


陸九芝
手批本

本草述鈎元



本草述鉤元藥目

卷二十九 介部

龜版

龜肉

龜溺

鼈甲

鼈肉

鼈頭

鼈頭血

牡蠣

眞珠

海蛤

海蛤粉

文蛤

蚌粉

田螺

田螺殼

白蝸螺殼

魁蛤殼

即瓦壘子

瑤瑁

卷三十 禽部

黑雌雞

黃母雞

烏骨雞

雞冠血

雞脆脰

雞內金

雞矢白

雞蛋

雞子清

雞子黃

鴨肉

鴨血

鶩膽

雁肪

鵝鶉肉

白鴿肉 鴿蛋 鴿糞 雀卵 白丁香

黃脰窠 蝙蝠 夜明砂 淘鷺油 五靈脂

卷三十一 獸部

馬陰莖 馬脛骨 馬懸蹄 白馬通 黃牛肉

霞天膏 霞天麴 牛乳 牛骨髓 牛膽

水牛喉 牛角鯁 牛黃 酪 酥

羊肉 羊乳 羊腎 羊肝 羯羊膽

羊脛骨 猪蹠 猪脾 猪心 猪心血

猪尾血 猪膽 猪肝 猪肺 猪腸

猪腎 猪膏 猪乳 猪膚 狗肉

狗膽

狗陰莖

驢乳

驢陰莖

驢溺

阿膠

虎骨

虎睛

虎賂

犀角

象膽

象皮

象牙

熊膽

羚羊角

鹿茸

麋茸

鹿角

麋角

鹿角膠

鹿角霜

鹿髓

麝香

刺蝟皮

牡鼠

牡鼠膽

牡鼠糞

卷三十二

人部

髮

人屎

人中黃

金汁

童便

人中白

秋石

人乳

紅鉛

月經衣

紫河車

胞衣水

坎炁

本草述鈞元卷二十九 介部 武進楊時泰貞頤手輯

龜甲

一名敗龜板。格物考云：天有先春之震，山多自死之龜。龜聽雷音，則口中所含以蟄者，便吐而昂首。時令尚早，無蟲可食，多致餓死。血肉腐爛，滲入下甲，此真敗龜板也。土材取水龜

者 當用下甲

味鹹甘，氣平，中濕者有毒，不中濕者無毒。氣味俱陰，入足少陰經。惡沙參。補陰，主陰血不足，續筋骨，補心腎，主瘀血，止血痢，破癥瘕，瘡癤。治五痔，陰蝕，濕痺，四肢重弱，及血痲痺，除驚恚氣，心腹痛，骨中寒熱，並治女子漏下赤白，小兒顛不

合燒灰傳賺瘡久服益氣 敗龜板屬金而有水陰中陽也

丹溪 方家多入補心藥用以得水火既濟之義借其氣以相

通實非補心正藥仲淳 龜鹿皆靈而有壽龜首常藏向腹能

通任脉故取其甲以補心補腎補血皆以養陰也鹿鼻常反

向尾能通督脉故取其角以補命門補精補氣皆以養陽也

湖瀕 按龜首常藏向腹能通任脉使會督會督而後任脉通

是陰中有陽也鹿鼻常反向尾能通督脉使會任會任然後

督脉通是陽中有陰也 抑結不散龜下甲酒炙五兩 側柏

葉炒一兩半 香附童便浸炒一兩 為末米糊丸梧子大每空

心温酒服百丸 胎產下痢龜甲一枝 醋炙為末每服一錢

廉瘡朽臭生龜取殼醋炙黃更煨存性出火氣入輕粉麝
香葱湯洗淨搽敷之 痛風證氣虛者主方加朮參龜板

論 任督二脈同源而分歧龜鹿能使分者常合此其所以
壽龜板補陰所補者陰氣爲其陰中含陽也觀於能治兒顛
不合其不合者由於腎氣之不足耳夫腦爲髓海足太陽入
絡於腦而督脈固附足太陽之脈者則其能治解顛非任之
合於督以爲腎氣者乎至於破癥瘕瘀血續筋骨益勞倦皆
其益陰氣之功丹溪所謂陰足而血氣調和則瘀血癥瘕自
消崩帶血痢自治筋骨自健蓋不必借陽以行陰之滯乃可
卽陰而達陽之用此所以爲大能補陰也

妊婦不宜用病人虛而無熱者不宜用仲淳

辨治 陽龜殼圓板白陰龜殼長板黃陰人用陽陽人用陰

鋸去四邊石上磨淨灰火炮過塗酥炙黃用亦有酒炙醋

炙猪脂炙燒灰用者湖瀨 凡入藥須研極細不爾畱滯腸胃

能變癥瘕也仲淳

龜肉 味甘酸氣溫 釀酒治風痛緩急四肢拘攣或年久

癱緩不收皆效 筋骨疼痛烏龜一個分作四脚每用一脚

入天花粉枸杞子 各一錢 雄黃 五分 麝香 五分 槐花 三錢

水一椀煎服

論 龜肉為治痛風要藥丹溪於陰火痛風必用之蓋因是

證多屬血虛而血臟卽風木之臟也然實取其能益陰氣本經云治濕痺乃陰氣不足之濕以成痺者也若屬於感受之濕以是投治可乎不觀其更治食積而肩腿痛者乎經曰陰之所生本於五味陰之五宮傷於五味夫五臟之傷屬於味之陰矣不從陰氣之所生者以爲治而漫然冀其益血也不同夢夢哉

龜溺 以猪鬃或粉葉刺其鼻卽出 滴耳治聾點舌下治

大人中風舌瘖小兒驚風不語摩胸背治龜胸背

摩之久久乃瘥

染髭髮 岫嶼神書言龜尿磨瓷器能令軟磨墨書石能入

數分卽此可推其走竅透骨之用矣

味鹹氣平足厥陰血分藥也 主治益陰補氣除老瘧瘧母

療勞瘦骨熱骨節間勞熱結實壅塞除心腹癥瘕堅積寒熱

血癥腰痛勞復女勞復小兒脇下堅及驚癇斑痘煩喘婦人

產後陰脫去瘕肉陰蝕痔核惡肉 方書更治脚氣嗽血盜

汗中風痞證咳嗽不得卧消癰小便不禁 虛勞證多用之

但不可過劑

宗爽

龍色青入肝故所主瘧勞寒熱癥瘕驚癇

經水癰腫陰瘡皆厥陰血分病水龜色黑入腎故其甲所主

陰虛精弱腰脚痠痿陰瘡瀉痢皆少陰血分病

湖瀕

龍甲味

鹹潤下益陰何疑本經之主癥瘕堅積瘕肉痔核殆本於益

陰而鹹以軟堅之故歟仲淳

瘧疾類病於陰虛之人暑邪深

入陰分出併於陽而熱入併於陰而寒至元氣虛羸邪始內

陷而結為瘧母鼈甲益陰除熱而能消散故為治瘧要藥即

是退勞熱及陰虛寒熱往來之上品又

得牛膝當歸橘皮

首烏知母麥冬治久瘧

同知母石膏麥冬貝母竹葉治濕

瘧熱甚渴甚無肺熱病者加人參若發時指甲黯狀若欲死

熱甚渴甚又寒甚汗多并加桂枝有神去桂枝治瘧瘧良

得青蒿麥冬五味地黃牛膝枸杞治骨蒸勞熱甚則加銀柴

胡地骨皮胡黃連

陰虛夢遺不禁九肋鼈甲不拘多少去

裙襴淨洗燒灰存性研細每用清酒童便各半盞陳葱白七

八寸同鼈甲末煎至七分去渣晡時服須臾得粘臭汁爲度

次日進粟米粥忌食他物 奔豚氣痛上冲心腹鼈甲醋炙

三兩 三稜煨 二兩 桃仁去皮尖 四兩 湯浸研汁三升煎二升

入末煎良久下醋一升煎如飴以瓶收之每空心酒服半匙

血癥癥癖鼈甲琥珀大黃等分作散酒服二錢少時惡血

卽下若婦人小腸中血下盡卽休服 漏下鼈甲醋炙研末

清酒服方寸七日二又方乾薑鼈甲訶黎勒皮等分爲末糊

丸空心下三十丸日再 難產鼈甲燒存性研末酒服方寸

七立出 沙石淋痛九肋鼈甲醋炙研末酒服方寸七日三

服石出瘥 吐血不止鼈甲蛤粉 各一兩 同炒色黃熟地 一

兩半 曬乾爲末每服二錢食後茶下 斑痘發喘小便不利

者鼈甲 二兩 燈心 一把 水升半煎六合分二服凡大小便有

血者中壞也黑靨無膿者死不治

論 鼈甲益陰丹溪更云補氣夫氣有陽氣陰氣之殊其說
本於內經經曰陰虛則無氣無氣則死蓋惟是真陰之氣有
化乃有生有生卽有化故本經首主癥瘕堅積而別錄甄權
日華子並以溫瘧血瘕宿食冷塊疰癖癥結爲言也丹溪揭
出補陰補氣而言可謂探其要矣本經不言治勞然虛勞多
用之蓋勞雖五臟皆有而心腎爲多心主血腎主精精竭血
燥則勞生焉所以清骨扶羸之除蒸熱必用而麥煎散又以

治少男室女骨蒸黃瘦口臭盜汗七情爲病也又虛勞發熱
未有不由瘀血者瘀血未存不由內傷者凡心下引脇俱痛
皆滯血不消新血無以養故麥煎散中用鼈甲并同於乾漆
以化積者由滋味能以通壅爲滋補也鼈甲之治瘧尤專於
瘧母瘧母卽邪之結爲癥瘕者可見諸本草無不以血癥瘕
塊爲言固有見於滋味陰氣之專卽化以爲生矣其次更治
脚氣脚氣之起惟是陰不升而陽不降耳足爲三陰所起之
地卽三陽所歸之地陰爲陽之原如三陰不足不能上而召陽之
歸則三陽失守不能下而和陰之滯故陰壅於下陽逆於上
脚氣所由病也陰不足而不能升致陽失守而不能降故大

鼈甲湯以鼈甲之補陰者為君。又鼈甲散、木香散皆治脚氣。心腹脹滿，一則并治小便不利，一則云治堅硬不消。夫心腹脹滿，非陰不升，以致陽不降乎？小便不利，非陽不得陰以歸而達於下乎？堅硬不消，非陰不得陽以化而暢於上乎？二證皆用鼈甲以和陰陽之升降，則其專精於陰氣可知矣。至於積聚之治，靈樞言喜怒不節則傷臟，臟傷則陰虛，虛則風雨襲之，病起於上而生積。清濕襲之，病起於下而生積。此積所由生之要領也。方書治肝積肥氣，鼈甲丸心積伏梁，乾漆丸及半夏散脾積痞氣，又鼈甲丸統以鼈甲為之君，則積之本於陰虛而生者固不能舍專於陰氣之味以奏效也。又次而治嗽血，黃芪鼈甲散

參黃盜汗麥煎散凡虛勞之有客熱者再如男子遺精女子

漏下皆用鼈甲療之却又以行瘀血總由此味專補陰氣如

漏則陰氣虛而不能固也瘀亦陰氣虛而不能流貫於經絡

也但就女子經血一證以推所治即可知其要以盡其變矣

簡誤云妊娠禁用凡陰虛胃弱泄瀉產後泄瀉飲食不消不

思食及嘔惡等證咸忌

辨治 凡僂要綠色九肋多裙重七兩者為上用六一泥固

瓶子底待乾安甲於中以物撐起若治癥塊定心藥用頭醋

入瓶內大火煎盡三升乃去裙肋骨炙乾入用若治勞去熱

藥不用醋用童便煎盡一斗二升乃去裙留骨石曰搗粉以

鷄胫皮裹之取東流水三升盆盛閣於盆上一宿取用力有

萬倍也

雷公

以煨竈灰一斗酒五升浸一夜煮令爛如膠漆

用更佳桑柴灰尤妙

衛生寶鑑

鼈肉 氣味甘平

主治傷中益氣補不足去血熱益陰補

虛作丸服治虛勞疰瘕脚氣婦人帶下血癥腰痛

鼈頭

主脫肛

蝟皮散治肛門脫出不收蝟皮磁石桂心

鼈頭為細末服

伏龍肝散治陰證脫肛

陽證另用他藥

伏龍肝鼈

頭骨百藥煎為末紫蘇湯溫洗清油調塗

鼈頭血

治風中血脉口眼喎僻塗脫肛療小兒疳勞潮熱

千金方目瞶唇動口喎皆風入血脉急服小續命湯外用

龍血或鷄冠血調伏龍肝散塗之乾則再上甚妙蓋龍血之

性急縮走血故治口喎肛脫之病 小兒疳勞潮熱往來五

心煩躁盜汗咳嗽龍血丸主之黃連胡黃連 各二兩 以龍血

一盞吳黃一兩同二連浸經宿去黃血炒乾研末入柴胡川

芎蕪黃 各一兩 人參 五錢 使君子 二十個 為末煮粟米粉糊

和丸如粟米大每用熟水量大小日三服

龜鼈甲合論 龜鼈二甲所主大畧相似第鼈甲走肝益腎

以除熱鼈甲通心入腎以滋陰其用實有不同者龜能旋轉

任脉以會督猶人身任脉之用不離乎元陽龜之運陰以會

陽是還乎真陰之元也鼈無耳以眼聽精專肝竅其瞻味大

辛亦異於衆之頤所謂金互木交以肝胆相表裏肝之喜辛爲其從陰而升陽也鼈甲爲肝胆血分之氣藥是達乎真陰之用也經曰一陰爲獨使昔賢云任脉附足厥陰爲生化之元之二語者可參龜鼈之用焉夫任脉司人身生化之元然不會於督則陰非真陰而陰無以化故龜之補陰者爲其本於真陰之元也任司生化之元而附於足厥陰以行其化所以三陰之脈惟足厥陰與督脉會於巔經所謂一陰爲獨使也故鼈之益陰者爲達其真陰之用也知乎此則體用動靜大有區別審證察脈隨所宜以授之庶不致槩言益陰而奏效少耳

牡蠣

海旁皆有初生假水沫傍石向日者漸結成形至數十丈塊礪如房房多左顧隨潮開闔納小蟲以充腹房中有肉如馬蹄如指面名曰蠣黃海人欲取其肉鑿房火迫得之

味鹹平氣微寒氣薄味厚陰也降也入足少陰厥陰少陽經益腎清熱固精收瀦治氣虛崩帶歛虛汗止虛渴除煩滿心脇下痞熱堅滿祛畱熱在關節營衛虛熱去來不定利水濕化老痰軟積氣之痞消疝瘕積塊癭疾結核方書更治遺精赤白濁小便數及不禁溲血消痺脇痛癩癧瘡牡蠣單生無偶而左顧者當屬一陽故本經所主皆少陽所生病

復

啟閉候潮誠應開闔之關鍵陰陽之樞紐者

頭之

收斂

浮越之正氣又益精氣蓋入腎而能收瀆不泄之功

無已

病

虛而多熱者宜同地黃甘草用之

權

入足少陰為奠堅之

劑以柴胡引之能去脇下硬以茶引之能消項上結核以大

黃引之能消股間腫以地黃為使能益精收瀆止小便腎經

血分藥也

海藏

以貝母為使能消積癖痰結同麻黃根作散

歛陰汗共杜仲煎湯固盜汗和澤瀉為劑主髓疽日深嗜臥

逆

同生地黃芩龍眼棗仁麥冬五味白芍茯苓神黃檗當歸

治心腎虛盜汗

同黃檗五味地黃山萸枸杞車前沙苑蓮

鬚杜仲治夢遺洩精加牛膝兼治赤白濁

同地黃黃檗阿

膠木耳炒黑香附白芍地榆麥冬續斷青蒿鼈甲蒲黃止婦

人崩中及赤白帶下 牡蠣地黃丸生地 三兩 牡蠣煨 一兩

天冬 二兩半 人參 一兩半 當歸童便浸一宿燒 二兩半 車前

子 三兩 栝萋 一兩 為細末薑汁糊丸梧子大每空心服五十

丸如足腫炒亭薺湯下脇下痛鹽薑湯下潮熱小便赤梔豉

湯下腹痛苦藥甘草湯間服飲食少無味人參湯下此海藏

醫壘元戎 十 也凡補陽虛而投牡蠣者頗多其人於補陰劑

中殊不數 據 其立論主治固在滋陰追熱矣然又有行濕

之義存焉 車前 所云脾胃積濕塞其水路肝臟血少以漬

腎臟故熱也數語見濕之為病不獨病乎陽亦能病乎陰然

則此味益精不徒以純陰爲功蓋有妙於化陰者矣 增損

理中丸治結胸服大小陷胸不效者人參三兩白朮二兩炮

薑五錢甘草栝蘘牡蠣各三兩枳實炒二十四個黃芩一兩

爲細末煉蜜丸彈子大白湯半盞煎服不歇復與之不過五

六胸中豁然矣本方渴加栝蘘根不渴者除之汗者加牡蠣

不汗者勿用按結胸服大小陷胸而不效者緣下傷胃氣不

能任祛邪之劑而邪熱仍結也故用參朮乾薑理中而以牡

蠣栝蘘黃芩導邪下行要知胃之三腕皆在任脈牡蠣補腎

中之陰氣者也用此於理中內助陽得至陰以召之而歸元

矣虛勞之猪肚丸可與相參小便淋閉服血藥不效者牡蠣粉黃檗炒

等分爲末每服一錢小茴香湯下取效 小便數牡蠣五兩
燒灰小便三升煎二升分三服神效按淋閉用黃檗牡蠣滋
陰除熱是矣至便數却止同小便煎此可見有召陽歸陰之
義特借小便以調水化而出之原耳至如大病後水氣仲景
有牡蠣澤瀉散百合病渴不瘥又以牡蠣栝蒌根主之同一
牡蠣或引以益水之原或更以導水之壅其功可思

論 牡蠣爲鹹水結成塊然無情之物也然其房因潮來而
開潮不至則合是在化機中無情而大有情者夫潮汐之消
長應月月屬陰陰生於陽日者衆陽之母也潮固依於月而
亦附於日是故盈於朔望消於朏魄

朔後月未成明曰朏
望後月始生魄曰魄
虛

於上下弦息於輝臑月將漸圓曰輝朔而月見東方曰臑而潮有大小焉使牡

蠶之結不屬於潮氣何以開合俱應於潮天左旋日月亦因之左旋潮依

月附日者也故牡蠶之因潮而結者亦左顧其應陰精之月而假無成存泡幻立

堅則所得陰氣最厚得陰凝之厚仍隨潮以為開合則其陰

附於陽陽化於陰之氣機宛然在矣海中有魚獸取其皮懸之潮至則毛皆起蓋氣

盛而類應有不知其所以然者繆氏謂其味鹹屬水屬陰而潤下善除一切

留熱為腎經血分藥試本其所以然者暢言之蓋因潮而結

者緣於陰中有陽陰固資生於陽也開合復應於潮者質雖

屬陰却由陰能召陽而歸於陰者即能化其陰以清陽也本

召陽歸陰之功而能收能瀦本化陰清陽之功而能奠堅消

結清熱除濕陰召陽以歸復得陽以化而陽即由陰而清是

以病於陽虛者遺濁洩瀉自汗盜汗小便數及不禁之類投益陽之味或兼除濕

即以茲味之召陽而歸陰者使陰化於陽病於陽實者洩血消瘴

癩證之類投清陽之味或兼滋陰即以茲味之化陰而清陽者使

陽宅於陰又或宜補陽而陰亦虛補陽恐其益燥則若虛勞

之猪脂丸即以化陰者而歸陽宜補陰而陽亦虛補陰慮

其滋滯則若惡寒之巴戟丸即以其召陽者而化陰若是之

變化舉二方可以類推也人生本於天一之水陰陽固為互

根而潮具有依陰附陽之氣化此味秉其氣化以為人身氣

化之治即以療夫水液痰血之病其根陰而和陽即之頤不

離水相之義也

歷觀方治多有益陽之虛以是召之歸陰而為益陰地者即止言益陰尚未悉其所以然

也若於收瀋而止以固脫言之於開結而止以軟堅言之則

試即收瀋與稟堅破結參其不相謀之功亦知茲味之召陽

歸陰

所以能收瀋

化陰清陽

所以能稟堅

乃其所以超於海水之諸凝

結者歟

凡病虛而多熱者宜用

仲淳

即虛寒諸證用補陽之劑而投此

不忌以其召陽歸陰尤為療虛寒者之所先也

辨治 取殼以頂向北腹向南視之口斜向東者為左顧尖

頭大者勝先用鹽水煮一時後入火煨紅研粉用

眞珠

出南北海川蜀西路女瓜河北溱灤江南湖泖間亦時有之

廣東廉州珠池四雷州一寶皆海南而島嶼環圍故稱池也

珠蚌中陰精也 牡蠣蛤蚌無陰陽牝牡須雀蛤以化故蚌

之久者能生珠專一於陰也陸佃 珠者陰之陽也故勝火玉

者陽之陰也故勝水其化若神管子 鼈孚乳以夏蚌孚乳以

秋聞雷聲則瘕其孕珠若懷妊然故謂之珠胎中秋無月則

無胎

味甘微鹹氣寒入手少陰足厥陰經 清心安魂魄明目去

膚瞽障膜除小兒驚熱解痘疔毒主難產下死胎胞衣 方

書更治中風熱痺目淚耳聾 別錄塗面及手足 月各有

望惟中秋主維四氣之樞鍵處三秋之正中交兩弦之嚙隙

烹金水之華藏時也海蚌食其光而孕珠此以坎填離比於

神丹金液

之

心虛有熱則神氣浮越肝虛有熱則目生障

腎真珠稟太陰精氣除二經之熱

仲

同丹砂牛黃犀角天

竺黃茯神遠志鈎勾琥珀金箔治小兒驚癇風熱大人失志

癲狂等證

同爐甘石龍腦香礪砂空青人爪點目去醫障

同鍾乳石象牙末牛黃冰片白僵蚕紅鉛天靈蓋蛙竹屑

樺皮灰沒藥明礬治廣瘡結毒及陰蝕瘡有奇效

同人中

白黃檗青黛礪砂和冰片少許治口疳加入雞內金膩粉治

下疳難產真珠末一兩酒服立出

胞衣不下真珠一兩

研細苦酒服 子死腹中真珠末二兩酒服立出

論 蚌珠與月盈虧而月之盈虧又係於日淮南子云月死而螺蚌騰正指陰不得陽之故然則珠為陰中之陽當如管子所云矣本至陰之精乃分至陽之光麗至陽之光乃凝至陰之質所治中風熱痺諸證類有轉陽入陰而神其清化者豈徒取其純陰如草木中苦寒之味哉即如治驚不止於鎮怯有因肝虛而內受風邪卧則寬散不收似乎驚悸者真珠母丸之治目不止於去翳有因肝臟虛寒目茫茫不見物者又有目風淚出因於肝虛者真珠煎真珠散治之細推諸治之益謂非由陰育陽即由陽揚陰有合於厥陰之屬陰中少陽者乎蓋五行

惟金能合水火之氣俾陰陽交媾明珠胎於秋月烹金水之華以媾陰陽之精所謂木始之更得金終之乃爲金木之交媾而大益肝臟是猶得謂之純陰乎不然彼療肝臟虛寒而目昏者固不得用純陰之味以相對待矣

修治 凡入藥不用首飾及見尸氣者 用豆腐一塊入珠於內紮定煮一炷香取出將洗淨白棉布包二三重置石上擊碎研須研如膩粉方堪服食不則傷人臟腑

海蛤

海中諸蛤爛殼之總稱不專一蛤也總之海中蛤蚌名色雖殊性味相類功用亦同又文蛤或另是一種

氣味苦鹹平 主治咳逆上氣喘息煩滿痰飲胸脇脹急胸

痛寒熱腰痛及傷寒血結療十二水滿急痛水氣浮腫止消

渴潤五臟利膀胱大小腸治項下瘤癭五痔疝證婦人血結

胸並崩中帶下 別錄療陰痿斯味為補腎 歸陽要藥 傷寒血結胸

脹痛不可近仲景無方宜服海蛤散并刺期門穴海蛤滑石

甘草 各一兩 五錢 為末每服二錢雞子清調服更服桂

枝紅花湯發其汗則愈蓋膈中血聚則小腸壅小腸壅則血

不行服此則小腸通血流行而胸膈利矣

論 海蛤在本經治咳逆上氣喘息煩滿等證皆陰氣虛而

上逆者夫腎乃氣之元氣陽也出於陰中陰者陽之守也陰

不能爲陽之守故有如上諸證卽別錄之療陰痿則知其能歸陽於陰矣唐本草又主十二水滿急痛甄權並治水氣浮腫其意云何蓋凡病於陰之不爲陽守而陽乃上逆其至陰

之生水液者不得陽以爲正亦卽隨陽而汎濫四出耳

經曰腎者

牝藏也地氣上者屬於腎而生水液也又日出地者陰中之陽陽子之正陰爲之主

雖然在本經已

包舉而言之如曰陽明所謂上喘而爲水者陰氣下而復上

上則邪客於臟腑間故爲水也所謂胸痛少氣者水氣在臟

腑也水者陰氣也陰氣在中故胸痛少氣也卽此參之在本

經所主治不已悉其未言之證乎願何以又止消渴而潤五

臟曰茲味導邪水而益真陰以還其生水液之原真陰益則

陽不孤行而消渴除五臟潤矣陽不孤行卽附於陰而膀胱
大小腸之所謂氣化斯出者先受其益且并陰之已成血者
亦得陽化而不病於孤行如傷寒血結之類胥治矣推之水
液所結如痰飲胸膈脹急血之取結如癭瘤類何莫非陰陽
之不孤行以奏厥效乎至於婦人崩帶固亦以陽不孤行者
守之婦人血結並以陰不孤行者化之矣

海蛤粉 此海中諸蛤之粉以別於江湖之蛤粉蚌粉也近
世獨取蛤蜊粉入藥大抵海中蚌蛤蚶蠔味鹹性散功用畧
同非若江湖蚌蛤無鹽水浸漬但能清熱利濕而已肆中更
有一種狀如線粉者謂之海粉得水則易爛出海中沙石間

其功亦能化痰軟堅

味鹹氣平腎經血分藥

治喘息咳逆

肺燥鬱
脹咳喘

化痰飲解結

氣軟堅積

熱痰能降濕痰能燥
塊痰能奠頑痰能消

愈心脾疼痛消水腫利小便

止遺精白濁療癩疝癭核散腫毒治婦人帶下血病油調塗

湯火傷

主濕嗽腎滑之疾

好古

治濕痰為要藥以腎主水

液而痰為水液所化病於濕者更切也

石水肢瘦其腹獨

大者海蛤丸主之海蛤煨粉防已

各七錢半

葶藶赤苓桑白

皮 各一兩

陳皮郁李仁

各半兩

為末蜜丸梧子大每米飲下

五十九日二次

氣虛水腫大蒜十個搗如泥入蛤粉丸如

梧子每食前白湯下二十九丸服盡小便下數桶愈此方垂死

皆治 心氣疼痛真蛤粉炒過佐以香附未等分白湯淬服

白濁遺精潔古云陽盛陰虛故精泄也真珠粉丸主之蛤

粉一片黃檗炒一片研細白水丸梧子大每服百丸空心温

酒下日二次 血痢玉粉散海蛤粉研細每用二錢蜜水調

服能解臟腑積熱之毒按此味同氣於腎陰之清化故也

附案 戊戌冬深歲氣寒濕相合肺主受邪陽不施化而水

中陽化更微致濕痰聚胃愈覆其陽熱鬱口燥上焦不爽且

移於所合之大腸是宜麻杏散寒薑朮除濕第恐薑朮適增

熱鬱之勢乃入蛤粉於二陳加南星中以歸陰僭而散陽鬱

其痰漸化而熱亦行徐用乾薑枳朮理中愈

論 用蛤粉者不究其合於人身元陰之氣更不究其能於陰中歸陽遂於丹溪所謂能降能消能奠能燥者槩以爲寒則降鹹則軟耳試問消且燥者更屬何說夫元陰之氣非偏於寒者也陰中有陽故陰氣所至而陽之浮者自還其宅如喘息嗽逆之治是曰降也真陰得歸則陽亦歸於陰凡陰邪之所聚以成形者自由有形而化無形如浮腫之類是曰消也陰邪之所鬱者畜陽於中陽卽依陰以爲堅核爲積塊陰邪消則陽不得畜故曰奠也陰邪漸歸消化則陽卽行其化而水濕之氣皆淨如治水腫白濁之類故曰燥也由是參之則可知其主治諸證之故矣如徒以爲氣寒味鹹而已彼嗽

血洩血者曾何堅之待軟而必取於此氣之寒乎彼風熱上

攻眩暈者何又入此味於諸除風熱藥中乎是蓋取夫真陰

之原為陽守者以化陽耳至參殊丸之療風癘與人參殊砂同用取

其配真陽於真陰以化陽狂之邪也化水丹之療消痺用此為君

治兩少陰之渴取其真陰之氣化也又與穿山甲同療滯下之裏急

後重者是取元陰之化氣以暢大腸之收氣也大凡治熱之

法可以寒藥直折者惟實熱為然至於虛熱鬱熱不若從真

陰以化陽之為得也尤不若從陰中有陽者以歸失守之陽

為得也如執寒鹹以定蛤粉之功即用治痰飲尚未得其肯

綮况投之各證哉且本經於海蛤尚曰鹹平而殼用火煨反

得鹹寒抑又未信矣

凡脾胃虛寒者須與益脾胃藥同用仲淳

修治 不入煎劑丹溪 凡治燥痰取紫口蛤蜊殼炭火煨成

以熟栝萆連子同搗和成團風乾用最妙吳球 餘痰之治不必

然至療他證更宜專用

文蛤 其形一頭大一頭小有花斑

氣味鹹平 主咳逆胸痺腰痛脇急利小便止煩渴化痰軟

堅療口鼻中蝕疳鼠瘦大孔出血女人崩漏 鹹平入血除

熱能消散上下結氣仲淳 傷寒外寒鬱熱者文蛤散主之文

蛤五兩 為末每服方寸匕沸湯下甚效

論 傷寒在陽當以汗解乃因煩燥誤以水喫及灌之遂使
寒轉鬱而鬱中增熱所以更益煩熱皮上粟起此外寒鬱熱
之徵欲飲水者中有熱也不渴者非真熱乃鬱而成也文蛤
散主之蓋蛤粉能開鬱熱俾陽鬱於陰中者藉同氣之陰引
之歸下而所結之陽亦逐之以散然則此味豈但能降能消
能奠能燥其功僅在痰飲而已哉

繆氏言氣虛有寒者慎用

蚌粉

長者通曰蚌圓者通曰蛤混稱非是

湖瀕

味微鹹氣寒

主反胃心胸痰飲

用米飲服

解熱燥濕化痰消積

止白濁帶下 其治要只在清熱行濕而已日華子更言治

疝 反胃吐食真正蚌粉每服二錢搗薑汁一盞入米醋同

調下 痰飲咳嗽終夕不寐面浮如盤真蚌粉新瓦炒紅入

青黛少許用淡蘆水滴麻油數點調服二錢得睡嗽止面腫

亦消 痰涎結於胸膈間心腹疼痛不止或乾嘔噦食者炒

粉丸主之蚌粉 一兩 以巴豆 七粒 同炒赤去豆醋和粉丸梧

子大每服二十九丸薑酒下丈夫臍腹痛苟香湯下女人血氣

痛童便和酒下

論 蚌不分江湖俱應月而胎珠夫月以至陰之精借光於

日是最陰之中固有至陽也應氣以生諸蚌則其殼粉詎不

因至陰之氣以清熱而陰中有陽者以利濕乎蓋江湖蚌粉其味亦有微鹹第其收陰歸陽之功實不及海粉投劑宜酌之

田羸肉

前蚌蛤海產與江湖所產但少有異此田羸則指水田及湖濱之羸其用迥殊於海羸未可例視也

味甘氣大寒 主去腹中結熱利濕熱 搗爛貼臍間引熱

下行開噤口痢並治小便不通小腹急硬及水氣浮腫 取

其汁治下消渴肝熱目赤大腸脫肛痔漏疼痛及黃疸 稟

水土之陰氣解一切有餘之熱

仲淳

噤口痢大田螺二枚搗

爛入麝

三分

作餅烘熱貼臍間半日熱氣下行即思食甚效

小便不通腹脹如鼓田螺

一枚

鹽半七

生搗傅臍下一寸

三分即通

水氣浮腫大田螺大蒜車前子等分搗膏攤貼

臍上水從便旋而下

消渴飲水不止小便數者糯米二升

煮稀粥一斗冷定入田中活螺三升在內待食粥盡吐沫出

乃收飲之立效此方惟治下消

渴而小便數者

而不槩治中上則其

化於至陰之氣也可思

肝熱目赤

非關風熱者弗用

大田螺

七枚

洗淨新汲水養去泥穢換水一升浸洗取置淨器中着少鹽

花於甲內承取自然汁點目逐個用了放去之

脫肛墜下

三五寸者大田螺

二三枚

并水養三四日去泥用雞爪黃連

研細入甲內待化成水以濃茶洗淨肛門將雞翎蘸掃之軟

帛托上自不再發 痔漏疼痛田螺 一個 入片腦 一分 在內

取水搽之先以冬瓜湯洗淨

田羸殼 氣味甘平 心脾痛不止者水甲散主之田羸殼

以松柴片層層疊上燒過火吹去松灰取殼研末以烏沉湯

寬中散之類調服二錢神妙 小兒驚風有痰遠年白羸殼

燒灰入麝少許水調灌之 此乃田羸白殼者與下條白殼蝸羸有別 反胃吐食

田羸殼黃蛻殼 小蛤也 皆取久在泥中者各等分炒成白灰每

二兩入白梅肉四個搗和為丸再入砂盒子內泥固煨存性

研細每服二錢人參縮砂湯下或陳米飲調服亦可凡覺心

腹脹痛將發反胃卽以此藥治之

總論羸蜺蚌 田羸殼甘平蜺殼則鹹溫蚌殼粉又鹹寒功用雖彷彿而不無少殊用者宜審病因

白蝸螺殼

非溪湖中所生或屋上墻壁上年久者良

氣味甘寒 主痰飲積及胃脘痛治反胃膈氣痰嗽 濕痰

心痛白螺螯殼洗淨燒存性研末酒服方寸匕立止 膈氣

疼痛白玉散用壁上陳白螺螯燒研每服一錢酒下甚效

痘瘡不收墻上白螺螯殼洗淨煨研摻之

論 田羸產於水田中

非海羸

其殼旋文其肉視月盈虧

王充云月

毀於天螺
消於淵

夫月乃水之精故海潮與月相應而茲物又應於

月是亦乘至陰之精氣以化生者觀治噤口痢等病皆搗爛
和他藥貼臍上下非取其乘至陰之化者用以化陰中之氣
而開陽結歟至蚌蛤蜆之殼與田螺大同小異惟丹溪所用
白螺殼乃不生泥水中而陳朽粘於墻屋者蓋其感地中陰
濕之氣以生乃上升於墻屋或又乘於他氣以化凡用諸殼
本皆取其金氣以破痰結而此殼色白更得金氣之專以濕
土始而以燥金終宜爲痰飲積及胃脘痛之的對矣夫痰飲
皆因濕化而畜其正氣此白螺殼似當止治濕痰之結不比
於蛤蚌田羸之殼能開濕熱之痰也

魁蛤殼

魁蛤卽今之蚶其殼名瓦壟子狀如小蛤而圓厚背上溝文似瓦屋之壟浙東種於近海田謂之蚶田肉味極佳得水中之陽氣味甘氣平可糟其肉爲侑酒之物鮮有入藥者

瓦楞子 味甘鹹氣平 主消血塊化痰積 燒過醋焯醋

丸服治一切血氣冷氣癥癖 連肉燒存性研傅小兒走馬

牙疳有效

論 蚶之肉甚甘甘能和血殼甘而兼以鹹平其效當更甚於諸殼之但鹹味者

修治 取陳久者炭火煨赤米醋焯三度出火毒研粉用

瑇瑁

入藥必用生者性味全也既經湯火卽不堪用與生熟滓義同

甲氣味甘寒 主解嶺南百藥毒 日華子破癥結消癰腫

止驚癇 陳士良主心風解煩熱行氣血利大小腸 又能

解痘毒神效 玳瑁龜類稟水中至陰之氣故氣寒而解一

切熱毒其性最靈凡遇飲食有毒必自搖動然須生者乃靈

嶺南人中蠱毒者惟用活瑇瑁刺其血飲或生者磨濃汁服

之可解仲淳 預解痘毒未發內消已發稀少生玳瑁生犀角

各磨汁一合和勻溫服半合日三服 痘瘡黑陷乃心熱血

凝也生玳瑁生犀角同磨汁一合入猪心血少許紫草湯五
匙和勻溫服 按是物療病惟用生者在邊海之地容或有
之遠海諸郡絕不能獲猶之不得其用也故未詳論
繆氏痘瘡虛寒不起發者不宜服

武進門生伍恂

儀徵後學汪廷儒

全校

本草述鉤元卷二十九終

本草述鉤元卷三十

禽部

武進楊時泰貞頤手輯

雞

總論

雞屬土而有金木火其性補又屬巽能助肝火及濕

中之火

本丹溪

觀於毛羽各具一色是中土得兼四氣隨其偶

合之一以賦形也然則雞豈專稟風木者乎

瀕湖謂專稟風木

先哲

又云雞在卦屬巽在星應昴兌見而巽伏合而繹之是以風

木爲土之主而效金之用者

星應于昴者由金而木每于丑寅司晨金爲木主則巽之伏于

兌可思

夫人身臟腑之病由脾胃之行氣於三陰三陽者或苦

於土不得木爲之主更或患於木之不爲金用耳如土得木

主而木爲金用則中宮運化之氣無不宣暢而盈溢卽謂之

補虛羸可也 雞之肫名臄脰肫內黃皮為雞內金是雞臟

也參其對治諸證亦取中土之臟得木為主而木隨為金用

者以至土而益腎豈得力於單行之風木哉即此可以推全

雞之用矣 三年癩雞常食治虛損養血補氣

吳琳

黑雌雞肉 味甘酸氣溫平 黑屬水牝象陰所主皆血分

病 附方 治男女因積虛或大病後虛損沉困酸疼少氣

喘掇盜汗或小腹拘急心悸胃弱多卧少起漸至瘦削

若年深五

臟氣竭 則難治 用烏雌雞一頭治如食法以生地黄

一斤 飴糖 一升

納腹內縛定銅器貯於甌中蒸五升米熟取出食肉飲汁勿

用鹽一月一作神效

黃雌雞肉 氣味甘酸鹹平 附方 消渴小便數以黃雌

雞煮汁冷飲并作羹食肉 脾虛滑痢用黃雌雞一隻炙以

鹽醋塗煮熟食之 產後虛羸黃雌雞一隻去毛背上開破

入生百合三枚 白粳米半升 縫合加五味汁中煮熟開腹取

百合并飯和汁作羹食之并食肉

論 雞稟木火氣較勝服食必取烏色黃色之雌者以水土

賦形而歸其氣於水土更屬於雌之陰以為補益也烏骨雞

是另一種

烏骨雞肉

雞舌黑則骨肉俱烏入藥更良

氣味甘平

補虛勞羸弱治女

子崩中帶下虛損一切病

涼補温行皆可為主

論 雞屬木而骨反烏巽變坎也專得水木之精氣故肝腎血分病如陰虛發熱暮勞崩帶宜用之

修事 男用雌女用雄煮爛和藥或并骨研

雞冠血 三年老雄雞者良更貴丹雄雞 氣味鹹平 療經絡間風熱塗頰

治風中血脈口喎不正 丹雞者治白癩風 入熱酒中飲

之暖卧取汗治陰毒卒痛 同牛蒡子荆芥穗研末和酒服

發痘升頭而漿

繆氏云雞冠血性温天行痘瘡虛寒者可資起發倘因血熱而乾枯焦黑誤用轉劇

雞臄脰 男用雌女用雄 並 雞內金 氣味甘平 臄脰主洩痢小

便頻遺小便淋瀝止泄精及尿血治反胃消瘴女子崩帶

雞內金亦治消瘴

論 脛脰卽雞之脾消化水穀猶人身脾臟

脾爲太陰腎爲至陰二臟之病

常相因凡欲補脾腎之陰者茲味每爲投劑之主

夫雞本巽木之屬乃木爲土主更

爲金用以致土化而歸於腎是其脾臟獨受三陰具足之氣

故小便遺失者治之卽淋瀝最痛者亦治之至於消瘴反胃

瀉痢諸證總以三陰具足之氣其爲功有出於寒治熱治之

外者

雞矢白

雄雞矢乃有白臘月收之白雞鳥骨者更良

氣味微寒

主治中風失

音及白虎風賊風風痺破血

和黑豆炒酒浸服之療破傷

中風及心腹鼓脹並轉筋入腹下氣利小便破石淋 附方

反胃吐食取烏骨雞勿與食止與水飲四五日將五蒲蛇

二條 竹刀切飼之待下糞取起陰乾為末水丸粟米大每服

一分桃仁湯下五七服愈 雞矢醴治鼓脹中滿旦食不能

暮食其脈沉實而滑用臘月乾雞矢白 半斤 袋盛以酒醅一

斗漬七日溫服三盃日三或為末服二錢亦可 此治精氣不

別走于腑溢於皮裏膜外為脹滿而小便短澁故用雞矢寒利小便 破傷中風胛脊反張牙

緊口噤四肢強直用雞矢白 一升 大豆 五升 炒黃以酒沃之

微烹令豆澄下隨量飲取汗避風 角弓反張四肢不隨煩

亂欲死雞矢白 一升 清酒 五升 搗篩合揚干遍乃飲大人服

一升少小五合日二服 轉筋入腹其人背脚直其脈上下

微弦用雞矢白爲末水和方寸七溫服 陰毒腹痛雞矢白

烏豆地膚子 各一把 亂髮 一團 同炒煙起傾入好酒一盃浸

之去渣熱服卽止 石淋疼痛雞矢白晒半乾炒香爲末以

酸漿湯和服方寸七日二當下石出 心腹鼈瘕及宿癥并

瘁得癥以飯飼白雄雞取糞同小便於瓦器中熬黃爲末每

用溫酒服方寸七日四五服或雜飯食之以消爲度 耳聾

不聽雞矢白炒 半升 烏豆炒 一升 以無灰酒 二升 乘熱投入

服取汗耳如鼓聾勿訝 諸方所治是皆本巽木之氣而爲

土致其用却由巽伏於兌更得致木之用於土也故取其腸

胃轉化而出者色白屬金任之且矢獨雄雞有白即可明於氣化

之義氣屬陽故也

論 素問以雞矢醴治鼓脹非止爲通利而用其本有在通利之先者夫肝屬風木其所勝者脾之土也所不勝者肺之金也雞矢白治心腹鼓脹轉筋入腹是肝木侮其所勝之土而所不勝之金不能爲之主也其治石淋疼痛小水不利是肝木不得脾土以爲用并不得肺金以爲主還病於肝臟之血也其治宿癥鼈瘕是脾土不得肝木血臟之化更不得沛金氣臟之化也至於中風失音白虎賊痺破傷諸風之治又豈止歸其責於風木哉總因主氣肺統血脾之臟宿有不爲

風木之主之用者雞雖微物具有土木交爲用金木互爲化
之元機是治療之本也其矢白乃正木爲土主更爲金用以
致脾臟轉化而出者故還取爲氣戾血膏之治也若不探其
本而謂矢白遂爲氣血轉化之權輿有是理乎抑木爲金伏
卽矢之用白亦可覘其微義矣

雞卵

黃雞者爲上
烏雞次之

氣味甘平

卵白象天其氣清其性微寒

卵黃象地其氣渾其性溫故白能清氣治伏熱黃能補血全
卵則合而有之 附方 小兒疳痢腹脹用雞子開孔入巴

豆

一粒

輕粉 一錢

用紙五十重裹飯上蒸三度放冷去殼研

入麝香少許糊和丸米粒大食後溫湯下二丸至三丸 癰

疽發背初作及經十日以上腫赤焮熱日夜疼痛百藥不效

者鰾雞子

一枚

新狗糞

如雞子大

攪勻微火熬令稀稠得所

捻作餅子於腫頭上貼之以帛包抹時時看覺餅熱即易勿

令轉動及歇氣經一宿定如日多者三日貼之一日一易至

瘥乃止此方穢惡不可施之貴人但諸方皆不能及

雞子白

味甘氣微寒

主治目熱赤痛除心下伏熱止煩

滿欬逆

和赤小豆塗一切熱毒丹腫顯痛神效

湯火燒

燙雞子清和酒調洗勤洗生肌或生敷之亦可 產後血閉

不下取白一枚入醋一半攪服

產後血暈身痙直口目向

上牽急不知人取雞子清調服荊芥末

二錢

即安烏雞子尤

良 橫生倒產雞子白同人參湯加乳香丹砂研末入薑汁
服 反胃嘔吐雞子白同人參加粟米薤白煮粥食 胃寒
氣喘不能傳化水穀者人參爲君同雞子清加生附生薑服
虻蟲攻心口吐清水用雞子去黃納好漆入殼中和合仰
頭吞之蟲卽出也 咽塞鼻瘡及乾嘔頭痛食不下用雞子
開孔去黃着米醋白中糠火燉沸取下更燉如此三次乘熱
飲之不過一二度卽愈

論 雞子白象天其氣清每用之以清氣及觀治產後血閉
血暈諸証又覺清氣不足概其功且此味與人參同用方殊
不少如霍亂噉血上氣喘急
其脈無力消渴三證且止二味相對而不

及他藥此何以故蓋因雞屬巽木出地升天之氣但巽木受之最先雞子清象天舉清陽之上浮庶與人參之化濁陰而下濟可奏升降調氣之效而不徒以清熱爲功所以倒產橫生亦能奏效於危急之際也至於清熱二字又當本清陽上浮之火推之所治諸熱湯火等證蓋取其陽之最清者以散熱依稀乎從治之義非取其寒也知此則可明產後之治

卵黃

氣味甘溫

茲味爲陰中之陰功能補血

附方

妊娠下痢絞痛用烏雞子開孔去白留黃入黃丹

一錢在

內厚紙裹定泥固煨乾爲末每服三錢米飲下

胎漏不止

血盡則子死用雞子黃

十四枚

以好酒

二升

攪勻同煮如飴

服之未瘥再作以瘥爲度 鼠瘻已潰雞子一枚米下蒸半

日取黃熬令黑先拭瘡令乾以藥納孔中三度卽愈 亂髮

雞子膏治孩子熱瘡用雞子五枚煮熟去白取黃亂髮如雞

子大相和於鐵銚中炭火熬之初甚乾少頃髮焦有液出旋

取置椀中以液盡爲度取塗瘡上卽以苦參末粉之神效

鴨家爲鶩野爲鳧

肉 氣味甘冷微毒嫩者毒老者良 補虛除客熱和臟腑利水道

治水利小便用青頭雄鴨取水木生發之象治虛勞熱毒

宜烏骨白鴨取金水寒肅之象也 附方 大腹水病小便

短少用青頭雄鴨煮汁飲厚蓋取汗 又方用白鴨一隻治

淨以豉半升同薑椒入鴨腹中縫定蒸熟食之 白鳳膏治

久虛發熱欬嗽吐痰欬血火乘金位者用黑嘴白鴨一隻取

血入溫酒量飲使直入肺金以酒補之即將鴨乾搯去毛脇

下開竅去腸拭淨入大棗肉二升參苓平胃散末一升縛定

用甕盛貯炭火慢煨將陳酒一瓶作三次入之酒乾為度食

鴨及棗頻作取愈葛可久

血 氣味鹹冷 用雞血者取其陽用鴨血者取其陰 解

中砒毒 猝中惡死或先病痛或卧而忽絕並取雄鴨向死

人口斷其頭瀝血入口外以竹筒吹其下部極則易人氣通

即活

論 鴨肉甘冷用治久虛欬血須大有佐使非徒取其冷也
惟療大腹水病則用之單行河間以利水爲氣相感亦有未
盡試卽血之解中毒中惡者思之大抵能達夫氣之塞而欲
絕又解夫毒惡之結而未散者彼大腹水病非卽氣之欲塞
而戾之欲結者乎血爲水所化可以通於茲義矣

鵝

膽 氣味苦寒 主解熱毒 痔瘡初起頻塗抹之自消

附方 痔瘡有核白鵝胆 二三枚 取汁入熊胆 二分 片腦 半

分 研勻蓋器密封勿令洩氣用則手指塗之立效 冰珍膏

善治痔瘡冰片 一分 珍珠 一分 共研細用鵝胆 二箇 取汁入

鵝胆 雁肪 鷄肉

盃內攪勻將雞毛搽敷患處 噎食病白鵝尾毛燒灰米湯

每服一錢

雁

肪雁脂也氣味甘平 主治風攣拘急偏枯血氣不通利本經又

治熱結胸痞嘔吐更療耳聾 和豆黃作丸補勞瘦 心鏡

治攣急偏枯用肪四兩煉淨每日空心煖酒服一匙

鶉無斑者鶉也此則有斑

鶉始以化成蝦蟆得瓜化為鶉交州記終以卵生故四時常

有之

肉 氣味甘平 補五臟益中續氣實筋骨耐寒暑消結熱

小兒患疳下痢五色且旦食之有效 和小豆生薑煮食
止瀉痢 酥煎食令人下焦肥 濕熱膨脹腹大四肢骨立
不能貼席穀食不下者取鶉肉食之昏暈少頃雨汗莫能言
但有更衣狀扶而圍小便突出白液凝如鵝脂數次下盡遂
起此中焦濕熱積久所致也

論 鶉乃蛙化氣性相同蛙與蝦蟆皆解熱治疳利水消腫
鶉之功用約略似之本草謂其益中續氣者毋亦水土合德
之微此物實有合焉故能爲中土之益而中焦濕熱積久致
成疳痢膨脹者食之輒愈也

白鴿

入藥惟白者

肉 氣味鹹平 解諸藥毒 毒藥性熱得金水之氣故解

鴿卵 解瘡毒痘毒 預解痘毒方用白鴿卵一對入竹筒

封置廁中半月取出以卵白和辰砂 三錢 丸綠豆大每服三

十丸三次飲下毒從大小便出永不發痘即出亦稀

左盤龍 即鴿屎野鴿者尤良 氣味辛溫 附方 陰證腹痛面青甚

者鴿糞 一合 炒研末極熱酒 一鍾 和勻澄清頓服即愈 反

花瘡毒 初生惡肉如米粒破之血出肉隨生及出於外用鴿鴿糞 三兩 炒黃為末溫

湯洗後傅之 破傷中風病傳入裏用野鴿糞江鰮白僵蚕

各炒半錢雄黃一錢為末蒸餅丸梧子大每服十五丸溫酒

下取效

論 鴿肉鹹平其糞乃辛溫方書用治破傷風入裏之證蓋其所鬱之風已化熱而傷陰非可表散止宜下之是物爲鹹平之辛溫轉化而出能從陰中化導陽邪其用每同江鰮者以鰮出水中亦陰中之陽也

雀

卵 氣味酸溫

雀屬陽其性特淫故煖腎而強陰其肉氣味甘溫功不及卵

主治下氣

男子陰痿不起強之令熱多精有子女子帶下便溺不利除

疝瘕

附方

雀卵丸菟絲子末

一斤

於春二三月取麻雀

卵 五百個

去黃用白和丸梧子大每八十九丸空心鹽湯或酒

下腰痛加杜仲四分之一下元冷加附子六分之一當預製

成末遇有雀卵不拘多少丸之

白丁香

即雄雀矢

氣味苦温微毒

方書治水腫癘風癩證滯

下 目中胛肉赤脈貫瞳子者和首生男子乳點之即消神

效

非風熱外邪者勿用

和蜜丸服治癥瘕久痼諸病

癩癧不潰者

點塗即潰

論 雀卵之用在老人臟腑虛損陽氣乏弱藉此為壯陽益

氣之助亦何可少若腎中陰不配陽者即在所忌求嗣者云

精清薄主雀卵丸是則氣化生精固人身生育之本也別錄

所謂強之令熱多精有子者義固不妄第酸温之味多矣惟

性之淫者乃陽氣有餘之徵而益腎有專功耳 雀糞又陽

氣所轉化而出所治水腫癘風癩證滯下皆人身之眞陽氣化虛乏以爲病者

繆氏云凡服術者忌雀肉及卵

修事 雀兒口黃未經淫者其尿勿用凡底坐尖在上者是雄糞兩頭圓者雌男用雌女用雄臘月采得去兩畔附着者研細以甘草水浸一宿去水焙乾用 取白法用漆桌一張將水打濕桌面濕漉略搥去水留些水氣却將雀糞滿桌鋪開以篋頭展轉抄之其白粉俱粘桌上掠去黑糞移桌日中晒乾用鵝翎掃下白用

巧婦 卽鷓鴣俗名黃脰

巢 主治膈噎以一枚燒灰酒服或一服三錢神驗

伏翼 即蝙蝠

氣味鹹平性能瀉人觀治金瘡方皆致下利其毒可知 附

方 治癰證大蝙蝠 一個 以硃砂 三錢 填入腹內新瓦盛火

炙令酥候冷為末分作四服氣弱及幼年分五服空心白湯

下此藥慄悍勿輕用 多年瘰癧不愈用蝙蝠 一個 貓頭

個 俱撒上黑豆燒至骨化為末摻之 乾者油調傅之 內服連翹湯

夜明砂 即天鼠矢 氣味辛寒 惡白飲 主治腹中血氣破寒熱

積聚治目盲障翳明目 屎中淘出細砂皆所食蚊蚋未化眼也 除驚悸治疔有

效炒服治瘰癧 附方 青盲不見夜明砂同糯米炒黃一

兩 柏葉炙 一兩 爲末牛膽汁和丸梧子大每夜卧時竹葉湯

下二十九丸至五更米飲下二十九丸瘥乃止 一切疔毒夜明

砂 五錢 精猪肉薄切 三兩 人瓦瓶內水煮熟以肉食兒飲其

汁取下腹中胎毒次用生薑 四兩 和皮切炒同黃連末 一兩

糊丸黍米大米飲服日三次

論 夜明砂治目盲障翳固以氣類相從至於療兒疔下胎
毒與本經所治腹中血氣寒熱積聚相合夫血氣積聚何獨
取於茲物蓋蚊蚋之至夜而出者其眼固夜明也今入於天
鼠之腹仍不消化則是遇陰翳而能破除由血化而致氣化
有不爲血氣之陰邪所轉者先聖察物之精投之應證不爽

夜明砂 淘鵝油 五靈脂

也

修事 以水淘去灰土惡氣取細砂曬乾焙用

鵝鵝 卽海鵝

油 剝取其油熬化掠起卽以其嗉盛之則不滲漏他物卽透走

味鹹氣溫性滑能引諸

藥透入病所 塗癰腫治風痺透經絡通耳聾 附方 耳

聾用淘鵝油半匙磁石一小豆腐香少許和勻以綿裹成挺子塞耳中口含生鐵少許用三五次卽效

五靈脂

寒號蟲所遺也先冬禽集柏實穴居南向餐已而遺遺已而餐轉展化道形若凝脂氣甚燥惡

味甘氣溫氣味俱厚陰中之陰濁陰歸下降也入足厥陰手

少陰經

惡人參損人

通利氣脈治男女一切心腹胃脘脇肋少

腹諸痛身體血痺刺痛及血痢腸風腹痛疝痛血凝齒痛並
肝瘧寒熱反胃消渴痰涎挾血成窠血貫瞳子治女子血閉

並經水過多赤帶不絕胎前產後血氣諸痛及小兒五疳潮

熱又主損傷接骨殺蟲

諸痛皆屬於木

治虬厥

凡濕壅熱聚則氣凝血滯

風木乃從濕土以化蟲靈脂通氣脈行血絡所以除風膏能殺蟲

方書治脹滿中風中暑

痰飲痛痺痿厥泄瀉痔

生者行

死者止

欲一行一止須半

生半熟相合用之

凡血崩過多者半炒半生酒服

丹

濁

陰有歸下之功兼能降火

土

同澤蘭牛膝益母草生地丹

皮赤芍紅花延胡山查治產後惡露不盡腹中作疼加桃仁其效更遠但勿過劑 同番降香紅麴川通草紅花延胡韭

菜童便治胃脘瘀血作痛 同木香烏藥治周身血氣刺痛

附方 失笑散治男婦一切心腹少腹小腸疝氣諸痛百

藥不效者若婦人妊娠心痛及產後心痛少腹兒枕塊痛尤妙用五靈脂蒲黃等分研末先以醋二盃調末熬成膏入水

一盞煎至七分連藥熱服未止再服或以酒代醋或以醋糊

和丸童便酒服 產後喘急痰與血雜涌而上用失笑散主

以六君此合靈脂為之化導正以妙於補也 靈脂散治脾積氣痛婦人血崩

諸痛飛過五靈脂炒烟盡研末每服一錢温酒下此藥氣惡燒存性乃

妙也或以酒水童便煎服名抽刀散能散惡血治產後心腹脇

肋胷跨痛如心煩口渴者加炒蒲黃減半霹靂酒下腸風下

血者煎烏梅柏葉湯下中風麻痺痛者加草烏半錢同童便

水酒煎服 產後血暈不知人事五靈脂二兩半生半炒為

末每服一錢白水調下口噤者挖開灌之入喉即愈 胎衣

不下惡血冲心五靈脂半生半炒研末每服二錢温酒下

血崩不止用五靈脂十兩研末水五盃煎三盃去渣澄清再

煎為膏入神麴末二兩和丸梧子大每服二十丸空心温酒

下便止極效 吐血嘔血不止五靈脂一兩黃芪半兩為末

新汲水服二錢 痰血凝結紫芝丸用五靈脂水飛半夏湯

泡等分爲末薑汁浸蒸餅丸梧子大每飲下三十九 中風

癱緩追魂散用五靈脂研末水飛去上面黑濁下面砂石取

淨末每服二錢熱酒下日一服繼服小續命湯 風冷氣血

閉手足身體疼痛冷麻五靈脂 二兩 沒藥 一兩 乳香 半兩 川

烏頭 一兩半 炮去皮爲末滴水丸彈子大每用一丸生薑酒

磨服 治下消竹籠散用五靈脂黑豆二味服之 如止通利何以能愈

腎消當熟思其功矣 五疳潮熱肚脹髮焦不可用大黃黃芩損傷脾

胃五靈脂水飛 一兩 胡黃連 半兩 爲末雄猪胆汁和丸黍米

大每服一二十丸米飲下

論 寒號鳥至冬而毛羽脫落夏月則五采乘陰陽出入之

氣以徹於表裏既如是其不爽而腸胃所食所化之物又復

出入數數竟以臭腐為神奇故能通利氣脈而於血能行且

能止也能行能止可知非破血只是和血凡血有滯泥於諸經者氣道未免

壅遏當審所先而導之化之經所謂先去其血而後調之不

然氣終不得調也凡病經多日療治不痊須當為之調血血之外候如痰嘔燥渴昏憤迷忘常喜湯水

漱口五靈脂之用世謂其奏功強半在血不知氣為血之先

血不能為氣之帥皆釋開竅通利氣脈一語氣不離於脈而言

是所謂陰氣即血中之氣也方書於此味主治行痺較多身

沉重走注疼痛此濕熱相搏而風熱鬱不得伸附着於有形者行痺之走注屬風雖風臟即

血臟然不有血中之氣能調風以和血而幾其血之與風並

育不相害其可得哉然則李仲南所云靈脂治崩非止治血

之藥乃去風之劑義固先得我心矣

凡崩下或衝任經虛被風襲傷營血抑或肝虛

血滯本自生風此味去風與荆芥防風治崩同義

蓋此禽用遺作食出入數數轉展

化導其化導之氣有陰化於陽陽化於陰者此風之所以能

調而血之所以能和也風調而後氣平氣平而後血和非謂

其不入血分第為和血之先導非直入血中而與疏壅決滯

之血藥等耳且斯藥治療多證不必盡屬血病其不治血病

而實為和血之先導者有血中之氣可以通營衛而滑經絡

也精研及此庶乎善用此藥矣

凡閉痛單屬血虛者當忌過用則飽脹傷胃非止為製不淨

也觀失笑散之主以六君義可知矣

辨治 色黑如鐵多夾沙石以饴心潤澤者爲真其未化者
不堪入藥 生用者酒研飛去沙石曬乾收用熟用者飛後
沙令煙起另研

本草述鉤元卷三十終

武進門生伍恂

儀徵後學汪廷儒

全校

本草述鈎元卷三十一 獸部 武進楊時泰貞頤手輯

馬

產西北者勝入藥以純白色為良

白馬陰莖 氣味甘鹹平 主治傷中絕脈益丈夫陰氣強

腎志生子長肌肉

五畜以馬為金十二辰午為馬謂陰始生於午六陽之化太陰之屬也是主手太陰肺足太陰脾藏真濡於脾脾藏肌肉之氣也故長肌肉而肥健臟真高於肺以行營衛陰陽也故主傷中絕脈而益氣若強志有子為水臟事水以金為母土為制制則化生耳頤之 陰乾同肉菘蓉等分為末蜜丸梧子

大每空心酒下四十九日再

白馬脛骨 氣味甘寒 煨過存性降陰火中氣不足者用

之可代芩連

懸蹄

赤白馬俱用

氣味甘平

療腸癰下瘀血殺蟲

燒灰入

鹽少許摻走馬疳蝕甚良

附方

腸癰腹痛其證兩耳輪

甲錯腹痛或遠臍有瘡如粟下膿血用馬蹄灰和雞子白塗

卽拔毒氣出

損傷瘀血在腹用白馬蹄燒烟盡研末酒服

方寸七日三夜一血化爲水

蟲蝕肛爛見五臟則死以猪

脂和馬蹄灰綿裹導入下部日數度瘥

白馬通

馬屎曰通水研絞汁服燒灰温酒或水服

氣味

微温 止渴止吐血下血鼻衄金瘡出血婦人崩中 焜火

養一切藥 治吐血不止柏葉湯用柏葉乾薑 各二兩 艾三

把 以水五升取馬通汁一升合煮取一升分温再服 凡吐血

氣血皆虚虚則生寒柏葉稟兌金之氣而生可制肝木木主
升金主降升降相配夫婦之道合則血得歸藏於肝矣故用
以爲君乾姜性熱守而不走艾葉之温入內走絡而不炎於
上使陰陽之氣反歸於裏以補其虚寒用以爲佐馬通主降
火消停血引
領而行爲使

論 十二辰馬居午顧五畜不以屬火而屬金 六陽之極而
生陰取其進

氣也凡用以療 屬火者其畜羊蓋卽羊之無瞳人則稟於火
疾須識此義

氣居多而水氣少也以是推馬之無胆 非無胆之形質諒少
胆无耳與犬無胃同

義 因其火極化土土盛而金之生氣旺矣金旺而木之生氣

微故首出之甲木無氣然有肝者乙木生於午也然則素問
以火歸羊以金歸馬誠為察物之精歟

牛

有犛牛水牛二種牛即黃牛

黃牛肉 氣味甘溫 安中益氣養脾胃 補氣與黃芪同

功韓 倒倉法出自西 用肥嫩牡黃牛肉二十斤 洗極淨長

流水煮成糜去渣取液再熬成琥珀色即名霞 收之每飲一

鍾旋至數十鍾寒月溫而飲病在上則令吐在下則令利在

中則令吐利在人活變 吐利後必渴即服其所出之溲一二盃亦可

蕩滌 睡二日乃食淡粥養半月精神強健沉痾悉亡須五年

忘牛肉凡人七情五味有傷中宮停痰積血互相糾纏發爲癱瘓勞瘵蟲脹成形成質爲窠爲白以生百病而中宮愆和自非丸散所能去也此法以牛屬坤土黃爲土色肉者胃之藥也熱而爲液無形之物也服後由腸胃而透肌膚毛竅爪甲無所不到在表者因吐而得汗在清道者自吐而去在濁道者自利而除有如洪水泛漲陳莖皆順流而去盎然渙然潤澤枯槁而有精爽之樂也

丹溪

霞天膏

氣味甘溫

主治中風偏廢口眼歪斜痰涎壅塞

五臟六腑留痰宿飲癖塊手足皮膚中痰核 胃爲水穀之海胃病則水穀不能以時運化家羈留而爲痰飲壅塞經絡則

爲積痰老痰結痰等證陰虛內熱生痰則爲偏廢口眼歪斜
留滯腸胃則爲宿飲癰塊隨氣上涌則爲喘急迷悶流注肌
肉則爲結核惟霞天膏以脾胃所主之物治脾胃所生之病
實能搜剔一切留結無遺也又陰虛內熱之人水涸火熾煎
熬津液往往凝結爲痰膠固難散亦須以此和竹瀝貝母橘
紅蘇子栝萋根枸骨葉之類消之仲

霞天麴 以橘皮白茯苓蘇子白蔻仁半夏蒼朮爲麴治脾

胃濕痰 以橘皮貝母蘇子栝萋根及仁蓬砂爲麴治積熱

痰結

牛乳 黃牛者佳 黑牛更勝 味甘氣微寒 凡服乳必煮一二沸停溫

啜之熱食即壅

生飲令人利熱飲令人口乾

頓服亦易壅與酸物相反令

人腹中癥結合生魚食作瘕患冷氣人忌服

藏器

主治補虛

羸養心肺鮮熱毒下熱氣治反胃熱噦潤大腸

反胃噦隔大便燥結宜牛

羊乳時時咽之弗用人乳有飲食之毒七情之火也

治氣痢

同葦芡煎服一寒一熱能和陰陽

除疸黃

老人煮食有益

老人因血液枯燥恒致上熱下虛此味潤枯而上熱除即能下行以補虛矣

同

人乳羊乳梨汁蘆根汁蔗漿熬膏時時飲之治反胃噎膈大

便燥結兼止消渴

氣痢用牛乳

半斤

葦芡

三錢

同煎減半

空腹頓服 下虛消渴心脾中熱下焦虛冷小便多者牛羊

乳每飲三四合

此合於冷補下熱氣之說

病後虛弱取七歲下五歲上

黃牛乳

一升

水

四升

煎取一升稍稍飲至一日止

牛髓 黑牛黃牛
津牛者良

氣味甘温 補中填骨髓續絕傷平胃氣

通十二經脈 治瘦病以黑牛髓地黃汁白蜜等分煎服

補精潤肺壯陽助胃用煉牛髓 四兩 胡桃肉 四兩 杏仁泥 四兩

兩山藥末 半斤 煉蜜 一斤 同搗成膏以瓶盛湯煮一日每服

一匙空心服之

牛膽 臘月取黃
牛青牛者 味苦氣大寒 臘月釀槐子服明目 非風
熱者

不宜 治疳濕彌佳 釀南星末陰乾治驚風有奇功 釀黑

豆百日後取出每夜吞一枚鎮肝明目 脾胃虛寒
者忌之

白水牛喉 療反胃吐食 取一具去兩頭節并筋膜脂肉

及如阿膠黑片收之臨時旋炙用米醋一盞浸之微火炙乾

淬之再炙再淬醋盡爲度研末厚紙包收或遇陰濕時微火烘之再收遇此疾每服一錢食前陳米飲下輕者一服立效

名正胃散

此病至七八日大便不通必死服此十痊八九

牛角鯁

卽角尖中堅骨一名角胎

味苦甘氣溫

主下閉血瘀血疼痛

女人帶下血燔之酒服

本經

黃牛者燒之主血崩大便下血

血痢

水牛者燒之止血崩赤白帶下冷痢瀉血

附方

妊娠下惡血不止龍骨散用龍骨當歸地黃炒芍藥地榆乾

薑阿膠艾葉蒲黃以牛角鯁爲君服之

大便下血黃牛角

鯁一具

煨末煮豉汁服二錢日三神效

赤白帶下牛角鯁

燒令烟斷附子以鹽水浸七度去皮等分爲末每空心酒服

二錢七

論 牛角本筋之粹骨之餘而鯁又角之精也乃厥陰少陰
 血分之藥血為真陰之化醇腎主至陰肝為血臟牛屬土而
 益太陰之脾其角之精者燒而用之可以和三陰之氣更藉
 其堅凝上出者療精之下陷乃得血之行止咸宜焉

牛黃

出隴西及晉地凡牛生黃則夜視其身有光皮毛潤澤眼如

血色

或云病乃生黃者非也

時復鳴吼恐懼人以盆水置牛前伺其吐

出喝迫墮水取出陰乾百日

無令見日月光

如雞黃大重叠可揭若

百千層輕虛氣香磨甲色透置舌上清涼透心是曰生神黃

最貴其殺死從牛角得者曰角中黃病死從心中剝得者曰

心黃

初在心中如黃漿取得便投水中乃硬似碎蒺藜及豆瓣者是也

一從肝胆中得者曰

肝黃胆黃皆不及生黃又犛牛黃堅而不香駱駝黃極易得能相亂不可不審

味先苦後甘氣平涼入足厥陰少陽手少陰經 益肝胆清

心化熱利痰定神治驚癇寒熱熱盛狂瘖

入肝治筋病

中風失音

口噤療小兒癇熱百病

兒稟純陽之氣其病皆胎毒痰熱所生肝心二經所發此藥化痰除熱清

心養肝有起死回生之力

痘瘡紫色發狂譫語者可用

凡中風入臟者

必用牛雄腦麝之劑入骨透脫以引風出若中腑及中血脈

者用之反引風邪入於骨髓莫之能出

東垣

牛以土畜凝結

精氣而爲黃猶人身之有內丹也故能解百毒而消痰熱散
心火而療驚癇爲世神物諸藥莫及仲淳凡中風清心化痰

熱中臟昏冒不語者此味當爲主藥 同犀角琥珀天竺黃

鉤藤鉤袂神眞珠金箔麝香丹砂治小兒驚癇百病 同犀

角地黃丹皮麥冬竹葉治小兒五色丹毒 入外科內服藥

能解疔腫癰疽諸毒入傳藥止痛散毒如神 同鐘乳石眞

珠象牙豬牙皂角末白殭蚕紅鉛片腦明礬沒藥蛙竹屑天

靈蓋爲丸土茯苓湯下治結毒有神 小兒七日口噤牛黃

爲末以淡竹瀝化一字灌之更以豬乳滴之 驚癇嚼舌迷

悶仰目牛黃一粒許研和蜜水灌之 小兒積熱毛焦睡語

欲發驚者牛黃

六分 硃砂 五錢

同研以犀角磨汁調服一錢

痘瘡黑陷牛黃

二粒 硃砂 一分

研末蜜浸臙脂取汁調搽

一日一上

論 牛爲土畜在卦爲坤坤陰也陰承陽氣以生物是陽在陰中也而陽卽得陰之氣以化物故中土味甘無所不生又無所不化舉戾氣所鍾之物并人身爲患之戾氣無不藉之以化焉牛以坤質更萃氣血之精明而凝結爲黃是以土德而具生化之體用藥中之貴莫過於此第在肝心二臟專致其用者何也夫木固爲土之主而又必基土以爲命故木變風皆有土氣以歸之則風平若心火則土之母也有土之子

氣以宿之則母自趨子而火熄矣此所謂益肝胆清心化熱而水火原同並以清心者益腎也總之以氣血之物專賦土德而萃其精英凝諸形質繆氏謂其爲世神物功能起死回生信然

又云小兒傷乳作瀉脾胃虛寒者不當用

酪

牛羊馬駝之乳皆可作入藥以黃牛酪爲勝酪有乾濕乾者更良

氣味甘酸溫 水牛馬駝之酪冷溲牛羊乳酪溫 治熱毒
止煩渴除胸中虛熱生精血補虛損

造法用乳半杓鍋內炒過入餘乳熬數十沸常以杓縱橫攪之傾出罐盛待冷掠取乳皮以爲酥入舊酪少許紙封放之卽成 乾酪法以酪曬結掠去浮皮再曬至皮盡却入釜中炒少時器盛曝令可作塊收用

酥酪之浮面所成

羊牛 白羊酥 味甘氣微寒 補五臟益虛勞寒血脈除心熱胸

中客熱止渴利大小腸能除腹內塵垢又追毒氣發出毛孔間 牛酥不離寒病之兼熱者宜之羊酥不離温病之兼寒者宜之 羴酥雖勝難得石山

造法以乳入鍋煎二三沸傾入盆內冷定待面結皮取皮再

煎油出去滓入鍋卽成酥油。凡入藥微火溶化濾淨用之。

羊 牡日殺亦日羝

肉 味甘氣溫性大熱 補中益氣療虛勞寒冷治產後虛

羸脾胃冷氣作痛及寒疝 得火土之氣以生故能補有形

肌肉之氣 凡味同羊肉者皆補血虛陽生則陰長也 附方 治寒勞虛羸及產

後心腹疝痛羊肉湯用肥羊肉一斤 水一斗煮汁八升入當

歸五兩 黃芪八兩 生薑六兩 煮取二升分四服 金 產後虛

羸腹痛冷氣不調及中風汗自出白羊肉一斤 治如常調和

食之 崩中垂死肥羊肉三斤 水二斗煮一斗三升入生地

一斤 乾薑當歸各三兩 煮三升分四服 治虛勞天真丸精

羊肉 七斤 用當歸 十二兩 山藥 十兩 菘蓉 十兩 天冬 一斤 烘

作末安羊肉內酒水煮至糜再入黃芪末 五兩 人參末 三兩

白朮末 二兩 蒸餅搗和丸如梧子日二次服三百丸温酒下

天行熱病後温瘧熱痢後食之必致發熱難療妊婦食之令

子多熱 瀕湖 癰腫瘡瘍消渴吐血嘈雜等證咸不宜服 仲淳 煮

時切忌銅器

乳 白者佳 氣味甘温 補寒冷虛乏潤心肺和小腸氣利大

腸治乾嘔反胃小兒噦碗及舌腫

羊腎 氣味甘温 補腎氣理精枯陽敗 附方 治陽氣

衰敗腰脚疼痛五勞七傷用羊腎 三對 羊肉 半斤 葱白 一莖

枸杞葉 一斤 同五味煮成汁下米作粥食之 老人腎臟虛

寒內腎結硬雖服補藥不入用羊腎 一對 杜仲 長二寸 同煮

熟空心食之能令內腎柔軟然後服補藥

羊肝 青殼羊者良 氣味苦寒亦云温 補肝治肝風虛熱目赤

暗痛熱病後失明 並用子肝七枚 作生食神效 附方 目病失明青殼

羊肝 一斤 去膜切片新瓦炕乾同決明子 半升 蓼子 一合 炒

為末以白蜜漿服方寸七日三服三料目明至一年能夜見

文字 不能遠視羊肝一具去膜細切葱子 一勻 炒為末以

水煮熟去滓入米煮粥食

羊膽 去勢青羯羊者良 氣味苦寒 主治青盲明目點赤障白翳

風淚眼 膽汁減則目暗故 諸膽皆治目病 大便閉塞羊膽汁灌入即通 附

方 病後失明羊膽點之日二次 碧雲膏治爛弦風赤眼

流淚不可近光及一切暴赤目疾臘月收羯羊膽十餘枚以

蜜裝滿紙套籠住懸簷下待霜出掃下點之神效

羊脛骨 氣味甘温性熱 有宿熱人弗食 治虛冷勞弱白濁健胥

脚療筋骨攣痛 酒浸服之 固齒牙 踈豁者須用之 附方 秘真丹治思

想無窮所願不協意淫於外作勞筋絕發為筋痿及為白淫

為勞弱羊脛炭燒紅窰殺厚朴薑製 各三兩 硃砂 一兩 為細

末酒煮糊和丸梧子大每空心温酒下五十九

論 羊為火畜蘇頌言其齒骨五臟皆温平惟肉大熱夫人

與獸賦形如脾之主肉諒無大異是則火之生土其首及者

而別錄補中益氣之說是也

其治虛勞寒冷則必如天真丸之合諸藥方為得當

夫稟

乎火者心也心與腎一氣上下故腎即用之補腎氣而肝下

合於腎水上合於心火又即用之補肝蓋神水照物乃先天

之氣所生後天之氣所成氣固火之靈也試觀目病失明與

不能遠視多用羊肝為主緣不能遠視者病於無火不能近

視者病於無水補氣所以益火也又如羊脛骨之療齒痛用

於寒證為多若寒熱兼者即有相濟之味可見此味之用腎

氣為本而寒熱為標也更參白濁勞弱及筋骨攣痛諸治則

益明矣大抵是物之所稟者火其於血氣之倫有得於氣化

之陽以爲扶助虛羸之功者如用之得宜豈不勝於草木無情之品乎

豕

猪脂 味甘氣微温 補中益氣止渴斷暴痢虛弱 釀黃

糯米蒸搗爲丸治勞氣並小兒疳蚘黃瘦病 猪水畜而胃

屬土爲補脾胃要品 附方 補益虛羸用猪脂一具入人

參五兩 蜀椒一兩 乾薑一兩半 葱白七箇 粳米半升 在內密

縫煮熟食 水瀉不止用豨猪去勢者 猪一具 同蒜煮爛搗膏

丸梧子大每米飲服三十丸或每日五更水瀉一次百藥不

效者更入平胃散末三兩 同丸服

猪脾

俗名 聯帖

味濟氣平

脾胃虛熱同陳橘紅人參生薑葱

白陳米煮羹食之

脾積痞塊猪脾

七個

每個用新針刺爛

以皮硝

一錢

擦之盛瓷器七日鐵器中焙乾又用水紅花子

七錢

同搗為末無灰酒調空心下一年以下者一服愈五年

以下者二服十年以下者三服

凡六畜脾人一生莫食之

孫真人

猪心

氣味甘鹹平

治驚邪憂恚虛悸氣逆婦人產後中

風血氣驚恐

猪水畜故心 可以鎮恍惚

附方心虛自汗不睡用豮猪心

一個

帶血破開入人參當歸

各二兩

煮熟去藥食之數服愈

多食傷心不可合吳茱萸食

蘇頌

心血 調硃砂末治驚癇癩疾及痘瘡倒靨以心歸心以血導血之意得

龍腦直入心經 附方 心病邪熱用猪心血一個 靛花末

一匙 硃砂末一兩 同研丸梧子大每酒服二十九 痘瘡黑

陷臘月收豬猪心血瓶乾之每用一錢入龍腦少許研勻酒

服須臾紅活神效無乾血用生血

尾血 用此者取其動而不息又當治下也與雞冠血治上相對 猪爲

水畜其血性寒能解毒制陽

猪胆 氣味苦寒 清心臟涼肝脾療大便不通與醋相合內穀道中

酸苦益陰潤燥瀉便 治或瀉或止久而不愈二聖丸 通小便熱酒和服 殺疳蟲

治日赤日醫 附方 一二聖丸用黃連黃檗末各一兩 以猪

膽煮熟和丸如綠豆大量兒大小每米飲服之

有以猪膽汁炒黃連柴胡

治或瀉或止亟應者以能和陰而令肝之血和風靜也

傷寒五六日斑出猪胆雞子

湯用豮猪胆汁苦酒

各三合

雞子一個

合煎三沸分服汗出

即愈

小便不通外治用猪胆連汁籠住陰頭一二時汁入

自通

消渴無度雄猪胆

五個

定粉

一兩

同煎成丸芡子大

每含化二丸咽下日二

猪肝

氣味苦温

補肝明目止休息痢

方用豮猪肝

具切片杏仁一兩

炒於淨鍋內一重肝一重杏仁入童便

升文火煎乾取食日一次痢自止

餌藥人不食猪肝

湖瀕

猪肺

味甘氣微寒

得大麻仁良

療肺虛欬嗽竹刀片切麻油

炒熟同粥食

治肺虛嗽血煮肺蘸薏苡仁末食之

猪腸

味甘氣微寒

潤腸治燥調血痢臟毒去大小腸風

熱 附方

腸風臟毒用猪臟入黃連末煮爛搗丸梧子大

每米飲服三十丸

又方入槐花末令滿縛定以醋煮爛搗

丸梧子大每服二十九丸温酒下

多食動冷氣

猪腎

氣味鹹冷

腎有虛熱者宜之腎氣虛寒者忌方藥

用治腎痛腎虛借其引導而已若以為補腎而常食之誤

附方

心氣虛損猪腎子

一枚水二盃

煮至碗半切碎入人

參當歸 各半兩 煮至八分喫罾子以汁送下未盡者同渣作

丸服 久泄不止猪腎 一個 批開摻骨碎補末煨熟食之

久食傷腎 孟誥 令人少子 日華子

猪脂 味甘氣微寒性滑澤 潤肺散風熱利血脈腸胃通

大小便 同滾水大飲之能通燥結 附方 關格閉塞猪脂薑汁 各二升

微火煎至二升下酒 五合 和煎分服 肺熱暴暗猪脂 一斤

煉過入白蜜 一斤 再煉少頃濾淨冷定不時挑服一匙即愈

無疾常服亦潤肺

臘月煉淨收用

母猪乳 味甘鹹氣寒 治小兒驚癇 初生至滿月以猪乳頻滴之可免驚癇痘

患疹之小兒口噤不開猪乳飲之甚良 月內胎驚同硃砂牛

乳少許抹口中甚妙

取法須馴猪待兒飲乳時提後脚急以手將而承之非此不

得

猪膚即皮氣味甘寒 治足少陰下利咽痛胸滿心煩者有猪

膚湯用猪膚一斤 水一斗煮五升取汁入白蜜一斤白粉五

合熬香粉服取其氣先入腎 鮮少陰客熱也

論 豕為水畜十二辰亥乃六陰之極也而豕應之在卦屬

坎則茲物之充乎水用以療疾也明矣水以土為主以火為

用以肝胆為子以肺為母如猪膳之補中益氣為補益脾之

陰氣也水土合德脾腎相資故能止渴斷暴痢虛弱而消瘴
小便數亦用之爲主矣其心治驚邪憂恚虛悸氣逆又心血
同硃砂靛花治心病邪熱是有麗於心火以盡其用者至是
物之肝多補肝中陰氣之不足不同羊肝之能補陽何以明
之此畜無筋經曰肝主筋又曰陽氣者精則養神柔則養筋
筋之不備卽明爲陽之不配陰矣其治休息痢亦或用肝氣
之陰以化熱積乎芑水之旺氣在胆以甲木生於亥而肝則
否以乙木死於亥生於午也肺能補肺治肺虛嗽血而大臟
治下血皆取其有餘之陰以爲補益耳豕爲水畜專氣在腎
腎固諸臟腑之原也時珍謂其性寒不能補命門精氣觀方

書但療消癰而不及他用非其明徵乎哉

猪一身除脂膏外餘皆有毒發病仲患外感者食之增劇瘡

愈食之寒熱復來患金瘡食之血液衰涸肥人多食動風發

痰瘦人多食助火作熱是皆助其有餘之邪而犯不戒之過

也嘉謨

狗

卷尾有懸蹄者本草所用惟食犬非獵犬及守家吠犬也

肉黃犬為上黑白次之味鹹酸氣温同蒜食損人補胃氣壯陽道暖腎

膝益氣力陰虛病多不宜食虛寒瘧疾黃狗肉煮臠入五味食之

狗膽黃犬白犬者良氣味苦平有小毒瘡鼻齩及瘕肉納耳中

治聾耳能破血除積

凡血氣痛及損傷者熱酒服半個瘀血盡下

治反胃殺蟲

魏志

一女子左膝瘡痒華陀視之用繩繫犬後足斷腹取胆向瘡口須臾有蟲若蛇着瘡上出長三尺病愈

附方

反胃吐食不拘男婦老少遠年近日用五靈脂末黃狗胆

汁和丸龍眼大每服一九好酒半盞磨化服三服效

瘕塊

疔積五靈脂炒煙盡真阿魏去砂研等分用黃雄狗胆汁和

丸黍米大空心津嚥三十九忌羊肉醋麪

狗陰莖 氣味鹹平

主治傷中陰痿不起令強熱大生子

其性專補命門相火

除女子帶下十二疾

鹹溫入下焦補煖衝任二脈虛寒故

同菟絲

覆盆車前子魚膠巴戟菴蓉鹿角鹿茸沙苑子山萸能益陽

暖精使人有子

陽強易舉者忌內熱多火弗服仲淳

修事 六月上伏日取陰乾百日

論 狗為陽畜在內經屬木在易卦屬艮木與土將誰為主

乎夫土繼水之後所以止水也木即繼土之後所以妙水木

相生之化而達陽也艮卦兼之造化元機以進氣為先犬之

應於木者此也應於木故犬得三數以生孕三月生本草謂其肉

補陽誠非臆說或曰狗肝如泥土臭味亦然安能舍土而但

言木乎曰是蓋土為木用猶運氣司天其年何氣為主而有

從之以化者即所云犬無胃非無形質也其胃氣少耳胃氣

者土非又土從乎木之一證乎微獨肝為然即以胆言之五

畜膽俱無化血散結之主治惟狗胆有此因肝及膽以致土
為木用之氣化乃能化血能殺蟲方書用治反胃固不止於
化滯血也總之是物屬木之陽有中五之土成之如胆得陽
木之氣以化陰土之血所以異於諸畜之胆耳
繆氏云犬肉助陽陽勝則發熱動火生痰發渴凡陰虛內熱
多痰多火者忌之天行病後尤為大忌

驢

乳 氣味甘酸冷利 治煩熱氣鬱解小兒熱毒不生痘疹

浸黃連取汁點風赤眼

驢陰莖 氣味甘溫 能強陰壯筋

驢溺 氣味辛寒有小毒 主反胃 因稍有毒服時不可過多須熱飲之病深者七

日噎病 用四物加驢尿防其生蟲 殺蟲治狂犬咬傷癰癩惡瘡 並多飲取瘡

阿膠

東阿井乃濟水之伏者所注其水清而重其色正綠 煮膠

法必取烏驢皮牡者刮淨急流水 浸狼溪水 中浸七日入大

鍋七口內漸增阿井水煮至化化後每日遞減一口聚其融

化之極者止得一口熬時入鹿角一片即成膠 羣陰必得一

成搭於架上任其順下而亦不斷 冬月易乾其色深綠且明燥輕脆味淡而

甘亦須陳久方堪入藥

甘淡温平氣味俱薄可升可降陽中陰也 緣水性之下趨協皮革之外藉藉火

汚厚痰也

力以成土化從下入手太陰少陰足少陰厥陰經 主治虛者上從外者內矣

勞羸瘦陰氣不足療虛勞欬嗽喘急肺痿吐膿血并吐血衄

血血淋尿血血痢及女子血痛血枯崩漏經水不調無子並

胎前產後諸疾更男女血涸血汚四肢痠痛風溼木旺肢體偏疼者能敲之

勞極灑灑如瘡除風潤燥化痰清肺利小便湯服調大膠

聖藥也 阿井乃濟水之眼濟水為天地之肝烏驢皮合北

方水色順而健行之物故入肝入腎多功水充則火有制火

熄則風不生凡木旺風淫火盛金衰之證應手輒效土材阿

膠用攪濁水則清故人服之下膈踈痰止吐治諸淤濁及逆

上之痰也瀕湖 凡治喘嗽不論肺虛肺實可下可溫須用阿

膠以安肺潤肺。肺虛損極，欬唾膿血，非阿膠不能補。痢疾

多因傷暑伏熱而成。阿膠乃大腸之要藥。有熱毒留滯者，能

疎導無熱毒留滯者，能平安。同蜜蠟黃連用小兒驚風後瞳人不

正者，以阿膠倍人參煎服最良。阿膠育神人參益氣也。以上

同天冬、麥冬、生地、枯蕒根、白藥子、五味、枸杞、蘇子、桑皮、百

部、白芍、治肺腎俱虛、咳嗽吐血。同杜仲、枸杞、白芍、山藥、麥

冬、地黃、黃芪、人參、青蒿、續斷、黃蘗、治崩中漏血。同白芍、炙

甘草、地黃、麥冬、白膠、當歸、枸杞、杜仲、續斷、治婦人胎痛或胎

漏下血。月水不調，阿膠一錢蛤粉炒成珠，研末，熱酒服。

月水不止，阿膠炒焦為末，酒服二錢。妊娠血痢，阿膠二兩

酒一升半 煮一升頓服 妊娠下血不止阿膠三兩酒一升

半煎化服即愈

此四證不調與不止有異血痢與下血亦殊然皆主阿膠益陰而用酒以和血行氣其相

合之功
用可思

癱緩偏風及諸風手脚不遂腰脚無力者阿膠微

炙熟先煮葱豉粥一升別以水一升煮香豉二合去渣入膠

更煎七沸烱如飴頓服之乃暖吃葱豉粥

若冷服令人嘔逆

如此三

四劑即止

老人虛秘阿膠炒

二錢

葱白

三根

水煎化入蜜

二匙

溫服

妊娠胎動阿膠炙研

二兩

香豉

一升

葱

一升水

三升煮取一升同膠化服

此三證癱緩與胎動皆用葱豉宜氣達陽以化陰氣之或瀉或屎便

秘止用葱者借陽氣以行陰而已
要非本於阿膠以益陰不能成功

吐血不止

用阿膠炒

兩蒲黃

六合

生地黃

三升

水五升煮三升分服

大衄不止

口耳俱出用阿膠炙蒲黃半兩每服二錢水一盞生地黃汁

一合煎至六分温服急以帛繫兩乳

此二證皆主阿膠益陰氣而入包絡蒲黃和中

土之血使陰能化生地冷血助阿膠之益陰而退熱也

產後虛秘阿膠炒枳殼炒各

一兩滑石

二錢半

為未蜜丸梧子大每服五十九温水下未

通再服 觀諸方佐使所以用阿膠者可類推矣

論 阿膠以阿井水煎烏驢皮而成取其質於皮而化其質

之氣於水故命名在阿夫皮毛者肺之合人物一也烏驢皮

合北方水色猶人身腎至於肺之義阿水清而重其性下趨

合火化以成其順下而返於所始所以入手太陰足少陰益

肺元而不病於僭陽調肺氣而不類於耗散也抑氣陽也此

味益陰又言補肺氣不足義似相反不知肺貫心脈而行呼

吸氣者火之靈心乃火之主也因離中有坎故腎脈之直者

上貫肝膈入肺中而其支者又從肺出絡心注胸中是肺脈

貫心而心脈更藉肺陰以下注也肺陰即腎脈之貫膈而入者肺本主氣何以曰肺陰

蓋肺為陽中之少陰猶肝為陰中之少陽陽中之陰陰中之陽尤陰陽關

即以裕陽正屬關凡肺受六淫七情之侵則肺陰傷而心火亢

火亢則金愈衰而離中之坎不能合於金以化血則真氣愈

不足如肺陰下降以入膻中是為生血之化原舉火亢金衰

腎能平之所以療諸血證陰裕而陽乃得化陰降而陽即隨

之俾歸命門以神三焦之用者皆不越此所以由血而至於

氣舉益虛勞羸瘦等功悉皆歸之也。大抵滋陰之味多傷氣，益氣之味類并陰，惟此味雖以益陰爲功，獨其陰從陽出者，益陰卽以裕陽。所謂膏肓之上中，有父母，又所謂上焦合而管諸陽，心肺是也。潔古首云：入手少陰，海藏首云：入手太陰，其義不可互參乎？至俱言其入足厥陰者，緣心包絡主血，與肝相表裏，肝固藏血之臟也。由肺陰之下降，而主血者不病，入心生血，則火息風平，而金媾於木，卽藏血者亦不病矣。抑血病有順逆，而此無不治者，由能和膈中之氣化，以歸命門，又達眞陽之化醇，以歸血海，舉生血和血之功，皆其從金生水以爲還元之助，卽從陰益陽以爲化生之地耳。

阿膠由益陰而陽得

化。故益氣不同於參芪。仁齋謂其陳利積熱。誠窺其所始也。至於枯滯。乃其質如是耳。非性味也。至其除風本於益肝之陰氣。而金能媾以平之。非槩治天表之風。其化痰本於陰氣之潤。下能逐炎上之火。所化者。非槩治濕滯之痰。其治喘。但治炎上之火。屬於陰氣不守者。非槩治風寒外束。及濕滯上壅之喘。其治血痢。止如傷暑熱痢之血。非槩治濕盛化熱之痢。其治四肢痠痛。乃血涸血污之痛。非槩治外淫所傷之痛。卽治吐衄。亦止。奏功於虛損。若暴熱爲患。或外感鬱抑。及怒氣初盛者。俱弗混投。

辨治 陳阿膠光如鑿漆色。滯油綠折之。卽斷不作臭氣。夏月亦不甚濕軟者爲眞。調經丸藥中用宜入醋重湯燉化。

和藥 胃弱作嘔者弗烱化服打碎同蛤粉蒲黃牡蠣粉炒
隨宜

虎骨

氣味辛微熱而平

其肉酸

主治筋骨毒風攣急屈伸不得走

注疼痛追風健骨並止驚癇療温瘧

方書治中風虚勞痺

痿鶴膝風譫妄腰痛脚氣

風所以從虎者風木也虎金也

木受金制焉得不從

宗爽西方金獸而反司東方甲膽乙木

此所謂制則化也無制則亢亢則害矣

頤之凡辟邪疰治驚

癩温瘧瘡疽頭風當用頭骨手足諸風用脛骨脊背諸風用

脊骨

湖瀕虎之强悍賴於脛雖死而屹立不仆故治脚脛無

力用之

山石

同牛膝木瓜地黃山藥山萸黃檗枸杞麥冬五

味治腰膝無力筋骨疼痛或痿弱不能步履 同草薺獨活

防己蒼朮牛膝首烏薏仁木瓜刺蒺藜治風寒濕邪着於經

絡以致偏痺不仁 同當歸白芍甘草續斷牛膝白膠麥冬

地黃治偏身骨節痛 治白虎風痛走注兩膝熱腫用虎脰

骨酥塗炙黃黑附子炮裂去皮各一兩為末每服二錢溫酒

下日再 歷節痛風虎脰骨酒炙三兩沒藥七錢為末每服

二錢溫酒下日三服 筋骨急痛虎骨和通草煮汁空腹服

半升覆卧少時汗出為效切忌熱食損齒小兒不可與食恐

齒不生 肝腎氣血不足足膝痠痛步履不隨虎脰骨一兩

醋炙沒藥乳香另研各五錢附子炮去皮尖一二兩菴蓉洗淨

川牛膝木瓜天麻各一兩半餘爲末將木瓜菴蓉搗如膏加

酒糊丸梧子大每服七八十丸空心鹽湯下 休息痢經年

不愈虎骨炙黃焦搗末飲服方寸七日三取效 閱上方治

不盡屬風當益明於金木相媾之義經云至陽盛則地氣不

足惟虎骨能奏厥功蓋金媾於木則風升之陽際於天表者

陽中有陰此正升中有降而地氣還足也

論 虎司風木厥肖惟寅其氣特鍾肅殺得金之專而風木

并從之以化取其骨味辛散通行治諸風證宗爽謂木受金

制之頤謂木從金化夫制者金猶爲木用化則木俱從金用

是以風之太過不及投此咸宜蓋靜木之風者必藉於金非漫取其相制也人身如肝木從陰而達陽於天不有肺金從陽而致陰於地何以裕肝之陰令其在旋復返於所始而升降不息乎經曰升降息則氣立孤危此可以悟金木相媾之義矣中風危篤之證只因升降息耳虎骨之功似乎專在氣分而就氣分即有為益血之主者以從肺而媾於肝肝固血臟也方書如中風虛勞攣痺脚氣腰痛之用此皆以療筋為治夫筋固肝所主而於益血之義尤切血正所以養筋也至於行痺有風毒風虛之異一皆以虎骨主之者緣人身風木之初氣稟於陰中之陽有升即應有降而陰却御陽以為升

降如風毒之走注固由陰微不能爲陽之化而風虛之走注亦以陰微不能爲陽之使也惟虎骨有能爲陽之化且使者此木從金化之實際也卽彼不病於風若腰痛着痺痿證非亦如風毒之治暢陰以和陽乎卽彼主療脚氣非又如風虛之類藉之育陰而更助氣以達陽乎總之肝司地氣之升肺司天氣之降由升而得降以運育於地者肺爲肝之用也由降而得升以還暢於天者肝又爲肺之用也肺爲肝之用故陽和於陰以化血肝爲肺之用故血和於氣以化精正內經所云金木者生成之終始也如不思風木爲元氣出地之始不悉其履端於始者乃能升降相因以妙於生化而漫然止

謂其治風不幾同於說夢乎。

辨治 凡虎身數物俱用。雄虎者良。虎頭及頸骨色黃白者佳。前掌腕中骨形圓扁似棋子者力最勝。虎力在掌故也。

藥箭毒死者其毒侵漬骨血間反傷人不可服。先用狗肉

包裹一夜投所嗜以回其靈。諸骨並搥碎去髓塗上酥或酒或醋柳灰火炙黃脆研如飛塵否則粘着腸間爲癥積。

虎睛 凡虎夜視一目放光一目看物。獵人候而射之。弩箭

纔及目光卽墮入地。記其處掘下尺餘方得。狀如白石子。琥珀此其精魄淪入地下者。主治癩疾瘡病鎮心安神療小

兒驚癇啼悸客忤疳氣。附方 虎睛丸治癩疾發作涎潮

搗搗時作謔語虎睛一對 微炒犀角屑大黃遠志肉各一兩

梔子仁半兩 為末煉蜜丸綠豆大每溫酒服二十九 地龍

散通治小兒諸癩發過無時乾地龍半兩 焙虎睛一對 炙人

參二錢半 金銀箔三十斤 天竺黃硃砂代赭石煨醋淬鐵粉

各二錢半 雄黃一錢半 輕粉半錢 為末每服半錢紫蘇湯調

不拘時服

論 虎睛治癩屬於肝心二臟者居多此正木從金化之義

又雖專於氣分而即有為益血之主之義也

修治 多偽作須自獲者乃真入藥酒浸炙乾用

虎睛 治反胃吐食取生者弗洗存滓穢新瓦固煨存性入

平胃散末一兩和勻每白湯服三錢神效

湖瀕

犀角

犀似牛舌上有刺好食棘刺出西番南番滇南交州諸處有

山犀

居山林易得

水犀

出入水中最難得並有二角鼻角長而額角短

兕犀

亦作特即沙犀止有一角

在頂為獨角犀其文理細膩斑白分明作器用佳不堪入藥

三種又有毛犀似之

即旄牛

味苦酸鹹性甚走散氣寒可升可降陽中之陰也入足陽明

兼入手少陰經

升麻為之使惡鳥頭烏喙

清胃解毒瀉肝涼心治百毒

辟中惡毒氣解瘟疫寒熱諸毒氣鎮心神療時疾熱如火煩

毒入心狂言妄語主風毒攻心毳毼熱悶中風失音治吐血

衄血傷寒蓄血

上焦蓄血用犀角地黃湯

及發狂斑黃療小兒風熱驚癇

並瘡疹稠密內熱黑陷或不結痂亦化瘡腫癰疽膿血 方
書治卒中暴厥與中蠱毒欬嗽諸見血證痰飲消痺耳鼻唇
舌面病癰癩攣瘞行痺痛痺頭痛眩暈淋及洩血滯下脚氣

犀屬南方獸似得火化之正令者飲則污濁清之也食則

毒棘消之也故曰犀利之小兒驚癇不知人嚼舌仰目者

濃磨犀角服之立效 痘瘡稠密不拘大人小兒用新汲木

磨生犀於瀋器中冷飲濃汁 同丹砂琥珀金箔天竺黃牛

黃鉤藤鉤鈴羊角真珠麝香治大人小兒風熱驚癇 磨汁

同生地紅花子麥冬紫草白芍鼠黏子治痘瘡血熱初見點

紅艷壯熱躁渴狂語多服可保無虞 磨汁同鬱金童便生

地麥冬甘草白芍蘇子丹參白藥子治吐血衄血 入紫雪

治大人小兒顛狂温疫蠱毒邪魅一切煩熱為病 入抱龍

丸治小兒恍惚驚悸痰涎壅塞 入至寶丹治中風不語中

惡氣絕一切神魂恍惚狂亂等證 下利鮮血犀角地榆銀

花 各一兩 升麻 五錢 為末煉蜜丸彈子大每服一丸水一升

煎五合去渣温服此熱毒伏於心經故也宜加丹砂滑石末

以金銀藤花熬汁煎藥更效 鼻衄犀角磨汁生地芍藥丹

皮水煎服熱多者加黃芩脈大來遲腹不滿自言滿者無熱

也不用黃芩 洩血亦用上方但空心服 心繫於肺而小腸為心之腑以行水

化故二證 可用一方

故惟因心火元氣以發胃
 經偏灼者用之方動益
 其性在胃而先入心
 反結送邪入心

論 犀茹百毒食衆棘凡毒入此獸之胃而悉化其角屬陽
 性走散潔古謂爲陽中之陰大抵入胃而效心之用者能觀其涼

心解熱療煩毒 治膽狂可見 夫心爲陽中之太陽又爲手少陰經以其火

中宅水也此味屬陽而氣寒寒在陽中陽至寒化其酸苦涌

泄不同苦寒之降抑所以散毒氣者在此所以散火結者卽

在此心原不受邪凡受邪者皆包絡也包絡與胃口緊相應

惟犀角能散包絡之熱毒故治種種血證以包絡固主 血者 故又能治中風蓋風火陽也心爲火主風逐火焰火散

而風自平且肝脾之系俱連繫於心是以風毒風熱驚癇斑

黃遇之而悉瘳至於瘡腫化膿特療血分熱毒之餘事耳

方書用茲味主治中風證居多皆見恍惚悶亂昏煩不語及

證

夫風屬肝所司而子母禪受絕無等待且風火相煽類屬

熱毒非屬陽中之陰如此味都不克靜受病之主臟也觀於

治風之次即屬治驚其義不更顯然乎惟血虛而有火者最

宜酌投是以孕婦多服則損胎氣大約火實欲空者宜之火空欲實者仍

忌之耳

痘證氣虛無大熱者不宜用神或以血虛而燥熱發者用之

禍至丹溪傷寒陰證發躁勿誤用妊婦多服能消胎氣神

辨治 文如魚子形謂之粟紋紋中有眼為粟眼黑中有黃

花者為正透黃中有黑花者為倒透花中復有花者為重透

並名通犀乃上品也花如椒豆斑者次之烏犀純黑無花者

象

為下湖瀕未經湯火煮製者為生犀始可用角尖尤勝以紙

裹置懷中一宿則易研人氣入丸散屑之尋常湯藥磨汁冲

服

瞻 氣味苦寒微毒 主明目能去塵膜與熊膽同功 治疔能殺疔蟲

癆蟲兼除臟腑一切熱結入肝脾二經肝熱則目不明脾家鬱熱則成疔積苦寒除二經之熱

故主諸證 同獺肝蘆薈乾漆胡連青黛鬼臼丹砂入滋腎藥內

治傳屍癆瘵 內障目醫用象膽半兩 鯉魚膽七枚 熊膽一

分 牛膽半兩 麝香一分 石決明一兩 為末糊丸綠豆大每茶

下十九日二

膽極苦寒凡疖證脾弱者目病血虛者不宜多服仲厚

辨治 其乾者上有青竹文斑光膩須細識之其味微帶甘

入藥須先搗成粉乃和衆藥

象皮 治下疳燒灰和油敷之又主金瘡不合入膏散為長肉合口

之要藥性易收斂以鉤刺皮其瘡旋合

象牙 氣味甘寒 主心肝風癩迷惑邪魅之疾宜生屑入藥拔

惡瘡毒去漏管以其善蛻長肉生肌 同明礬黃蠟牛角鯁鉛花

金頭蜈蚣猬皮猪懸蹄治通腸漏去管 痘疹不收象牙屑

銅銚炒黃紅色為末每服七八分或一錢白水下

熊膽

春近首夏在腹秋在左足冬在右足推色通明者佳

氣味苦寒 涼心平肝為手少陰足厥陰陽明藥 點眼去

醫開盲塗惡瘡痔瘻療蟲牙蛻痛治小兒風熱驚癇殺疔蟲

療時氣熱盛黃疸暑月久痢 附方 赤目障醫每以膽少

許化開入冰片一二片銅器點之絕奇或淚癢加生薑粉些

須 賜風痔瘻熊膽半兩入片腦少許研和諸膽汁塗之

小兒鼻蝕熊膽半分湯化抹之 驚癇瘰癧以竹瀝化兩豆

許服之去心中涎甚良 諸疔羸瘦熊膽使君子末等分研

勻瓷器蒸溶蒸餅丸麻子大每米飲下二十丸

論 熊為陽獸繆氏謂其性溫能通行經絡凡諸膽皆苦寒

而熊膽之用較殊者或此之故試以半粒投水旋轉如飛

亦轉但緩耳水面有凝麈者豁然而開可知此味點目去翳與空

久痔固不徒以苦寒清火見效或亦秉陰中之陽陽中之動

故能開散其氣血之為邪結者熊每升木引氣或墮地自伏俗呼跌臙即莊子所謂熊經

鳥申也冬月蟄時不食飢則舐其掌觀此引氣并蟄時亦能食氣是熊之於氣也有殊性殊功所謂得陰中之陽陽中之

動者當不謬方書又每以治喉痺夫喉痺本毒熱結閉治之之故

正與此義相合凡清肝膽之味而能暢肝膽之用者則周身

氣血皆可通其經絡而開其結邪明者當識之

有痼疾者食熊肉則終身不愈戒之仲淳

用膽總論 凡膽皆極苦寒能走肝膽二經瀉有餘之熱小

兒疳積多致目生翳障者以肝脾邪熱壅滯二臟之氣血日
虛閉塞日甚故也用此散肝膽脾家之熱則內邪清而外障
去矣如不因疳證而目生翳障及痘後蒙閉者多因肝腎兩
虛宜滋陰養血清熱為急諸膽皆不得用

仲淳

羴羊角

秦隴龍蜀山中皆有之其角細而圓銳長四五寸多節帶黃
色者良

羴羊羴羊

即山羊

山驢三種相似羴似羊而青色毛

粗角短小羴似吳羊角長大山驢驢身羴角但角大而節疏
慢耳

味鹹氣寒入厥陰肝經甚捷

羊火畜也而羴羊則屬木同氣相求也

並入手太

陰少陰經 主治明目益氣起陰安心氣定肝魂療驚邪魘

寐癩癩狂亂治一切熱毒風攻注及濕風注毒伏在骨間中

風筋攣骨痛去惡血注下並熱毒血氣疝氣小兒卒熱驚搐

婦人產後惡血攻心煩悶子癩瘰疾 羶之性靈而筋骨之

精在角故又能辟邪惡解諸毒碎佛牙而燒烟走蛇虺也湖

羚羊角具二十四節內有天生木胎者此角有神夫節合

二十四氣而胎木宛如從甲而乙起陰之氣以轉生陽所以

益氣也頤之 同犀角丹砂牛黃琥珀天竺黃金箔茯神遠志

鉤藤竹瀝治驚邪魘寐及癩癩狂亂等疾 同杞子甘菊決

明子穀精草生地五味黃檗密蒙花木賊女貞治肝腎虛而

有熱以致目昏生翳 產後煩悶汗出不識人羚羊角燒末
東流水服方寸匕未愈再服 墮胎腹痛血出不止羚羊角
燒灰三錢豆淋酒下

論 瀕湖悉數羚羊角之功五未能暢其所以然要知人畜之
臟腑不甚相歧角乃骨之餘而腎之所合者骨也經曰腎在
體爲骨在氣爲堅羚羊角稟於骨之至堅本經首言明目而卽
繼之以益氣起陰者以腎雖陰中之至陰然坎中有離實爲
腎氣陰陽有一之或辰則腎氣便不足不足者不能致其氣
於肝而肝亦不能爲腎行其化是物具體於腎致用於肝肝
本陰之具足者以升陽卽由陽之具足者以引陰如瀕湖所

數去醫舒筋安魂散瘀降火五者之所以然當在是也抑所謂益氣起陰者固腎具肝之體而所謂五能者肝還行腎之用也惟茲物於肝之體用俱全故於厥陰為要藥經曰一陰為獨使厥陰之生化無闕而心肺脾皆在此托始矣

凡肝心二經虛而有熱者宜之無熱不宜用仲入厥陰伐生

生之氣不宜久用多用土材

修治 凡單用不復有驗須不拆原對以繩縛之鑿取旋用勿犯風鑿末盡處須紙重裹恐力散也一說密裹藏懷中取

去搗易碎

鹿麋

小者鹿大曰麋茸之大小別麋似鹿而色青黑肉蹄目下有二
竅爲夜目 牡者有角而無齒無上齧齒若下齧則牝牡咸有其無角有齒
者牝也

麋鹿茸角總 凡含血之物肉差易長其次角難長最後骨
難長故人自胞胎至成人二十年骨髓方堅惟麋鹿角自生
至堅無兩月大者重二十餘斤其堅如石計一日夜須生數
兩凡骨之生長神速無過於此此骨血之至強者 夏至鹿
角解乘陰氣之始以生茸冬至麋角解乘陽氣之始以生茸
皆怒長而爲角革故所以鼎新也故角之力用最專而茸爲
最 鹿孕子於仲秋而生於春受氣於陰而長於陽故爲挾

陰之陽麋孕子於仲春而生於秋受氣於陽而長於陰故為
挾陽之陰其以二至解角者緣所受之精氣與陰陽之進氣
相應耳 鹿體陽其肉食以陽為體者以陰為未麋體陰其

食之以陰為體者以陽為未角末也本經言鹿角補陰麋角

補陽是以二至日節氣所進者為云萬物乘天地之氣以為

進退方來者進是乘其生氣也 鹿陽也卧則其鼻反向尾

間能使陽得交於下之陰而督脈通麋陰也其首每向腹而

閉息能使陰得交於下之陽而任脈通是皆稟靈於造化者

也 麋鹿茸角俱以杜仲為之使畏大黃忌桃李

鹿茸 味甘鹹酸氣微溫氣薄味厚陽中之陰入手厥陰少

陰足少陰厥陰經走命門心包絡及腎肝之陰經曰胞脈者屬心而

絡於胞中胞中為精血之所聚而其脈固絡於心心胞絡主血會所以能療男子洩精尿血及女子崩漏也峻

補陰氣與鹿茸之甘熱而專補命門真陽者有異生精益髓強志健骨療虛勞灑

灑如瘧一切虛損羸弱四肢痠疼腰脊痛脚膝無力或耳聾

目暗虛眩頭暈男子洩精溺血女子崩漏赤白帶下散石淋

癰腫疽癢及骨中熱久服耐老附方精血耗涸耳聾口

渴腰痛白濁上燥下寒不受峻補者鹿茸酒蒸當歸酒浸各

一兩焙為末烏梅肉煮膏搗丸梧子大每米飲服五十丸

虛痢危困因血氣衰弱者鹿茸酥炙一兩為末入麝香五分以燈心

煮棗肉和丸梧子大每空心米飲下三五十九室女白帶

因衝任 鹿茸酒蒸焙 二兩 金毛狗脊白斂 各一兩 為末用艾

煎醋打糯米糊丸梧子大每温酒下五十丸日二 頭中眩

暈甚則屋轉眼黑或如物飛或見一為二用茸珠丹甚效或

用鹿茸 半兩 無灰酒 三盞 煎一盞入麝香少許温服

辨治 茸初生一茶之頃已成茄形遲半日便如馬鞍歧起

愈小愈嫩雖綿帛觸之亦損破也破則力大減 紫茄茸太

嫩血氣未具其實少力堅者又太老惟長四五寸形如馬鞍

茸端如瑪瑙紅至破之肌如朽木者最善 鹿茸收時陰乾

易臭惟破之火乾大好 先以酥勻塗茸上毛烈焰中灼之

不則火 候盡再以酥塗微炙或酒炙及酒蒸焙用

焰傷茸

麋茸

氣味甘熱

性熱補陽

較鹿茸之微溫而多補陰者為異

健骨扶陰

痿治丈夫冷氣及風筋骨疼痛老人骨髓虛竭補益尤妙可作

粉常服煎膠亦妙

論 夫麋屬陰而茸角屬陽乃陰中之陽也峻補陽氣當先

入腎之命門先哲多言功勝鹿茸者以其助陽益氣易於見

功耳 須知麋鹿茸角其所以分者在二至陰陽之殊氣而

其所以分而合者在陽質而必應乎陰之氣陰質而必應乎

陽之氣是以鹿茸非不益陽但陽中之陰以陰為主而益陰

者自能健陽麋茸非不益陰但陰中之陽以陽為主而強陽

者亦自能益陰也人身陽中之陰雖陰生於陽然必陰為先

導而火乃得交於水因陰之降以引陽也其陰中之陽雖陽
生於陰然必陽為先導而水乃得交於火因陽之升以引陰
也總妙於陽降陰升而生化因之以不息明乎此然後以陰
陽之分治陰陽之偏勝而輔佐得宜可耳

麋茸功效雖宏然須按脈沉細相火衰弱者始宜用其角亦
然 修治同鹿茸

鹿角 生用則散熱行血消腫辟邪熟用則入腎補肝益陽

和血至煉霜熬膏則專於滋補 氣味鹹温 補陰氣與茸同而功力少

緩故之革不如鼎之新也 療骨虛勞極補絕傷秘精髓除腰脊痛女子

妊娠腰痛下血又活瘀和血大勝於茸治留血在陰中及少

腹血急痛除女子胞中留血不盡欲死或墮胎血瘀更主血

閉無子諸惡瘡癰腫熱毒磨醋傅之附方骨虛勞極面

腫垢黑脊痛不能久立髮落齒枯甚則喜唾用鹿角酒浸焙

二兩牛膠酒浸焙一兩半為末煉蜜丸梧子大每服五十丸

空心鹽酒下腎虛腰痛如錐刺不能動鹿角屑三兩炒黃

研末空心溫酒服方寸匕日三妊娠下血不止鹿角屑當

歸各半兩水三盞煎減半頓服不過二服妊娠腰痛鹿角

截五寸長燒赤投一升酒中又燒又浸如此每次細研空心

酒服方寸匕

論 夫腎主骨主髓髓者骨之充也鹿角乘至陰之初氣而

精血隨之以怒生。是其為骨之充者無過此獸。所以能秘精髓。腰者腎之府。人身之髓腎主之。由脊骨相貫。故能除腰脊之痛。其能活瘀散惡者。以鼎新而革。故之氣應於時也。生者無瘀血停留不得服。

辨治

要黃色堅重尖好者。

生角屑同他藥煎服。散瘀行

血。醋磨汁塗瘡瘍。癰腫熱毒。或水磨汁服。治脫精尿血。酒浸焙。或炒黃補虛和血。或燒灰酒服。治血虛而滯。湖瀕寸截泥

裹於器中。大火燒一日。如玉粉也。

麋角

氣味甘熱。

補陽道絕傷。益氣補髓。煖腰膝。治丈夫

冷氣及風痺。

功勝鹿角煮膠亦勝白膠。

論麋角強陽之功亦差緩於茸與鹿角但分陰陽而補髓之功不異以腎中之任不外於督也麋角較大於鹿角為陽能生陰耳其活瘀和血不及鹿角者因補陽屬氣不似補陰之入血故丈夫冷氣及風痺者宜之陽盛陰虛者忌服

鹿角膠

本經名白膠

味甘鹹氣溫平氣薄味厚降多升少入足

厥陰少陰手少陰厥陰經

主治傷中勞絕羸瘦補中益氣

婦人血閉無子

本經

男子損臟氣氣弱勞損吐血下血女子崩

中不止漏下赤白安胎去冷治男女肝腎虛損腰痛並腰膝

痿軟及痛

甘緩能通血脈

又治尿精尿血

同牛膝丹皮麥冬地黃

蘇子鬱金白芍當歸童便續斷治勞傷吐血 同地黃山藥

山萸鹿茸杞子五味車前麥冬杜仲骨脂巴戟蓮鬚治腎虛

陽痿精寒無子加入當歸紫石英治婦人血閉子宮冷服之

受孕 虛勞尿精白膠二兩 炙為末酒二兩 和溫服 虛損

尿血白膠三兩 炙水二升煮一升四合分服 妊娠下血以

酒煮白膠二兩 消盡頓服

論 鹿角生與熟并熬膠俱應入腎以角亦骨類為骨之合也。即六極審屬骨虛止用鹿角牛膝二味則其所入可知。生者活血勝於補虛。熟者補虛勝於活血。若熬成膠則一於補矣。鹿以陽質而挾陰之氣。其角膠因烹煉之久。俾陰氣鎔化。

於陽中於人身氣血生化之原裨益良多本經故主傷中勞

絕羸瘦也然更云補中益氣又似專功於氣者蓋人身之胃

屬陽經云陽者胃腕之陽也而胃之三腕皆在任脈是至陽原本於至

陰也鹿角之勃生怒長正屬陽中陰氣其稟專其進銳更經

烹煉則由陰溫陽之氣化乃得致於中氣以為天地升降之

樞是茲味之補中益氣正其能療勞絕羸瘦者爾生角本為陽中之陰

氣熟膠乃達陰中之陽化蓋取腎氣最厚之品煉而成膠則氣化濃密還歸於補元精不止於元氣之勃然而上行也是

誠為補先天要藥經曰氣歸精又日精化為氣可以合此味之用東垣藥性主男子損臟氣

氣弱勞損吐血與本經所治互相發明夫臟氣者即經所云

五臟皆有陰氣也氣弱者即經所云陰傷則無氣也五臟陰

氣爲人身中元氣如病於陰氣不足卽謂之勞至陰氣大傷
謂之勞損甚則遂云勞絕矣諸書獨以血證爲言者以陰氣
乃後天營血之母陰氣傷卽先病於血矣因是悟諸血證之
治悉以救陰氣爲主陰氣係精血之真元救精血之損者舍
是將焉取諸或曰血逆類由火僭何以致慎於苦寒之投曰
以苦寒反能亡陰耳凡因六淫七情之侵損傷五臟陰氣陰
氣損則元氣乃化爲火而眞陰之化醇者不能尋其天度以
循經絡而歸血海如櫻寧子所說血因熱逆妄行或挾風或
挾濕或挾氣亦庶幾近之第未明於六淫七情之損其陰氣
者却在火之先其平火而令血不妄逆者止爲標之治如探

本則必圖完其陰氣以爲營血之母而善守之然則平火猶
非損陰氣之的治况以苦寒絕陽之生化初不爲陰之化原
地乎至慎苦寒而投參芪其失卒亦相等蓋卽白膠之能補
陰氣尙難投於炎焰以冀有功矧可倒行逆施以助方張之
焰乎凡此總未究於血之生化乃原於水而成於火耳惟鹿
角陽中挾至陰如人身元陽所自始卽血原於水之義也角
膠煉陰以合陽如人身元陰所由化卽血成於火之義也取
此味以完陰氣乃於血證爲能救本耳觀治尿精尿血及身
半以下痠痛則知其
爲精血之權輿非
火熱之對待也其有陰盛遏陽而患血逆者傷寒
有之又有勞
倦傷其衛氣致營氣不得入於經而血錯行者是乃陽之不

足。可。以。投。參。芪。者。也。若。傷。於。陰。氣。卽。當。屬。化。火。而。論。的。然。不。可。投。參。芪。矣。第。火。有。虛。實。之。分。實。火。者。傷。及。後。天。之。氣。虛。火。者。傷。及。先。天。之。氣。後。天。之。氣。乃。陽。中。陰。生。先。天。之。氣。乃。陰。中。陽。化。如。先。天。之。氣。傷。固。及。於。後。天。經。所。謂。至。陰。虛。天。氣。絕。是。已。然。後。天。之。氣。原。根。於。先。天。如腎脈從肺絡心注膻中脾脈從胃注心中而肝脈亦絡膻中故。傷。其。後。天。之。氣。者。必。及。於。陽。中。之。陰。傷。其。後。天。陽。中。之。陰。者。亦。累。於。先。天。之。陰。經。所。謂。至。陽。盛。則。地。氣。不。足。也。此。味。主。勞。損。吐。血。雖。舉。先。後。天。而。胥。治。之。但。先。天。之。陰。傷。虛。火。也。陰。虛。而。火。無。所。歸。經。以。是。補。之。後。天。之。陰。傷。本。於。陽。以。及。之。實。火。也。清。天。氣。之。陽。乃。可。補。地。氣。之。陰。其。先。後。之。時。殊。也。若。凌。

節而投白膠則又誤矣

修治 取解角鋸半寸長置長流水中浸三日削去黑皮入砂鍋內以清水浸至不露角桑柴火煮從子至戌時止旋旋添水勿令火歇如是者三日角軟取出曬乾成霜另用無灰酒入罐內再煎成膠陰乾待用 麋角性本甘熱更經火煉則偏於補陽不如鹿膠之補而不僭故截角製膠須擇其小者勿使麋角混之致藥方不精 用時或炒成珠或酒化服得火良畏大黃

鹿角霜 卽鹿角煮爛成粉者膠則取所煮之汁久熬而成者霜似枯質膠乃精液古方或各用之或合用之必其皆有

補益。但恐霜遜於膠耳。有療男子陽虛與下小便頻數同方。可知腎經氣虛者。此能益氣而強腎矣。小便頻數。鹿角霜。

白茯苓等分爲末。酒糊丸。梧子大。每服三十丸。鹽湯下。小

便不禁。上熱下寒者。鹿角霜爲末。酒糊丸。梧子大。每服三四

十丸。空心溫酒下。

凡病便數皆腎經氣虛而然。若不禁則虛更甚矣。

鹿髓 氣味甘溫 治丈夫女子傷中絕脈筋急痛 同地

黃汁煎膏服。填骨髓。壯筋骨。補陰強陽。白蜜煮服。令人有

子。鹿一牡能御數牝。

凡滋補藥用其脊髓和酒熬膏。丸藥。大妙。白

飛霞法取鹿腦及猪骨髓煉成膏。每一兩加煉蜜二兩。煉勻

瓷器密收用和滋補丸藥。

治肺虛毛悴有酥髓湯

刪繁方

鹿髓煎治肺痿欬傷中脈絕用鹿髓生地黃汁各七合酥

蜜各一兩杏仁桃仁去皮尖各三兩酒一升同搗取汁先煎

杏仁桃仁地黃汁減半入三味煎如餠每含一匙咽下日三

麝香

出陝西河東秦益諸州諸蠻夷中尤多形似麝麋而小食柏

葉夏月多噉蛇蟲至冬香滿生陰莖前皮內別有膜袋盛之入春滿甚便自

剔去是為生香最不易得其次捕得殺取者名臍香

味苦辛氣溫通諸竅開經絡透肌骨治中風中氣中惡痰

厥驚癩積聚癥瘕及婦人產難納子宮煖水臍止冷帶下殺

臟腑蟲能蝕一切癰疽膿水濟生治食瓜果成積作脹者

及飲酒成消渴者以果得麝則壞酒得麝則敗也 同犀角

牛黃琥珀龍齒遠志丹砂鉛丹金箔菖蒲真珠茯神天竺黃

治心氣虛怯驚邪癩癘或夢寐紛紜鬼交鬼疰及小兒急驚

大人中惡等證 同白及白歛紅白藥子雄黃烏骨雞煨乳

香沒藥冰片為末傳一切癰疽疔腫有神

繆氏云諸證之屬於虛者概弗施用

芳烈輕揚能泄衛氣如穿射走竄又能泄營如

不得已借以開通竅亦宜少用孕婦不宜佩帶勞性人亦

忌之不可近鼻有白蟲入腦患癩久帶其香透關令人成異

疾

辨治 取香劑中當門子搥之如血線搗之如桃花瓣燥甚

者始真然多偽造雖膜囊完固弗信但破看一片毛其在裏
中者爲勝 凡使勿近火日微研不必苦細如欲細入醇酒
少許則不損香氣 忌大蒜

獬

獬鼠類屬水其皮毛戟刺如針屬金見鵲則仰腹受喙火煉
金其氣相制也

皮 氣味苦平有小毒 主治五痔陰蝕下血不止痔痛有

頭多年不瘥止腸毒下血療腹痛疝積

並燒灰酒服之

止衄

燒灰綿裹塞鼻

療反胃

燒灰酒服或煮汁或五味淹炙食此物開胃氣有功其字從胃深有理

治胃逆

論 獬皮之用專於大腸故療痔病爲多夫痔所受病者燥

氣爲病者濕氣也或又曰胃熱也何以明之蓋陽明燥金以
其陽盛趨陰而陰氣不能與之合故爲燥人身身半以下屬
地陰氣主之或因房勞勞力虛其腎陰則燥者益燥更由胃
中酒食積毒歸於大腸以乘其陰虛之燥則燥隨化火以傷
血是謂收氣不得職致經脈橫解濁氣汚血流注肛門其始
本燥與熱合也而熱因與濕合所謂濕氣者由陽不得真陰
以收旣淫而爲熱卽陰不得真陽以化更淫而爲濕以故痔
初起顯燥證有便瀉作痛之情漸顯濕證有腫痛堅塊之患
然則燥者病之本濕者病之標而熱則病於標本之中也夫
熱之合於燥也爲氣傷其合於濕也爲血傷如腸中止有濕

熱止病於下血而已惟濕熱本於燥腸頭斯有堅塊至於作
痛者熱因燥乘風因熱化而更畜於濕以不得達故大痛也
久之破而爲漏亦此之由耳

濕圍其燥熱風之氣則潰腸以
出治之宜兼破氣藥又忌過用

苦寒蓋用寒過劑則眞
陽益病而濕愈不行

方書云痔初成漸大便濇作痛者宜

潤燥及滋陰嗣如肛門下墜便血而疼痛堅硬者宜清火滲
濕或紫色疼痛大便虛閉作癢宜涼血祛風疎利濕熱又或
腫痛堅硬後重墜刺便難者外宜薰洗內宜宣利合而參之
初起之治緩而先本後此三證熱勝則腫痛濕勝則堅硬下
墜皆當急而救標本標之治節次不爽乃免穿腸潰決之患
矣猾皮於諸痔無不逐羣劑以奏功繆氏謂蝟屬水其皮得

堅金之氣而和血於大腸故治五痔陰蝕有專功

凡食其肉當去骨誤食令人瘦劣諸節漸小仲淳

辨治 猪蹄者良鼠脚者次取皮入藥燒灰或炙黃或炒黑

或水煮任入湯丸

鼠

牡鼠牝者不入藥

氣味甘微温亦曰涼日華子

煎膏治諸瘡瘦

因善穿之性而爲用

附方

鼠瘦潰爛鼠

一枚

亂髮

一雞子大

以三

歲臘猪脂煎令消盡以半塗之以半酒服神妙

鼠膽 鼠肝有七葉膽在肝之短葉閒大如黃豆正白色貼

而不垂

衛生家寶又言紅色

纔死便消不易得也

主治點目愈青盲

雀目不見物滴耳治聾 三十年老聾取活鼠一枚繫定

熱湯潑死破喉取膽用川烏頭一個炮去皮華陰細辛二錢

膽礬半錢為末以膽和勻再焙乾研細入麝香半字用鷺翎

管吹入耳中口含茶水日二次十日效永除根衛生家寶方青

盲不見雄鼠膽鯉魚膽各一枚和勻滴之立效

癸水之位在子氣通於腎開竅於耳注精於瞳子其標為齒

鼠屬子宮癸水其目夜明在卦屬艮其精在膽故膽治耳聾

青盲睛能明目而骨能生齒也瀕湖

牡鼠糞兩頭尖者氣味甘微寒有小毒食中誤食令人目黃成疸主傷寒

女勞復陰易通女子月經下死胎治吹奶乳癰 方書療中

風積聚及癘風蠱毒

附方·男子陰易及女勞復殺鼠屎

十四枚

韭根 一大把

水二盞煎一盞溫服得粘汗爲效未許

再服

婦人吹奶鼠屎

七粒

紅棗

七枚

去核包屎燒存性入

麝香少許溫酒調服

乳癰初起雄鼠屎

七枚

研末溫酒服

取汗卽散

乳癰已成用新濕鼠屎黃連大黃各等分爲末

以黍米粥清和塗四邊卽散

論

鼠稟至陰之氣五臟俱全其矢更由腸胃轉化而出凡

陰氣受邪者借其轉化而使之不畱陰氣大虧者亦借其轉化而使之不竭是以陰易女勞復所因迥異而皆得用之他如中風積聚風濕諸方用此以導陰氣而使之化而吹奶乳

癰又皆藉陰氣之能化爲流通精血地然則觸類通之可以
盡臭腐之神奇矣

武進門生伍恂

儀徵後學汪廷儒

全校

本草述鉤元卷三十一

本草述鉤元卷三十二 人部 武進楊時泰貞頤手輯

髮

髮髮 取男子二十已來無疾患顏色紅白於頂心剪下者

氣味苦温 主五癰關格不通治小兒驚大人瘧本經止血

悶血暈金瘡傷風 合雞子黃煎之化爲水療小兒驚熱百

病

亂髮梳櫛下者用代髮髮 氣味苦微温 補陰之功甚捷消瘀血丹溪

方書用治傳尸勞洩血下血淋證并前陰諸疾與痔 入

諸膏藥內能消毒止痛長肉生肌 附方 鼻衄血餘燒灰

吹之立止 黃疸尿赤亂髮灰水服一錢日三服 女子漏

血亂髮洗淨燒研空心溫酒服一錢 吐血髮灰一錢 米醋

二合 白湯一盞 調服 尿血髮灰二錢 醋湯服 血淋苦痛

亂髮燒存性二錢 入麝少許米飲服 大便瀉血血餘半兩

燒灰雞冠花柏葉各一兩 爲末卧時酒服二錢來早以溫酒

一盞投之一服見效 女勞黃疸用猪膏半斤 亂髮雞子大

三枚 和煎髮消藥成矣分再服病從小便中出 破傷中風

亂髮如雞子大無油器中熬焦黑研以好酒一盞沃之入何

首烏末二錢 灌之少頃再灌 疔腫惡瘡亂髮鼠屎等分燒

灰針入瘡內大良 瘡口不合亂髮露蜂房蛇蛻皮各燒存

性一錢用溫酒食前調服神妙

論 血之榮以髮

精之榮以鬚
氣之榮以眉

髮屬心稟火氣而上生

鬚屬
腎稟

水氣而下生眉屬肝稟木氣而側生男子腎
氣外行故有鬚婦寺則無鬚而眉髮不異也

丹溪謂其補陰

之功甚捷以補陰參於稟火氣而上生則所補者乃陽中之

陰也夫血生於陽中之陰本其所生以上榮於髮而即還返

於陽中故其補之之功捷然更能消瘀血者以此味之補非

益其所本無乃還其所本有不凌節不造次故補即為行耳

人身氣血生與化其機合而有之即丹溪云捷亦屬強名也

本經首主五癰關格其義奚若蓋水與血是二是一以補為

行復何疑於水道之利乎至治小兒驚大人瘧與補陽中之

陰義正相合

驚與瘧皆由
陽中陰虛

即血悶血暈金瘡傷風等治病機

亦不越於陽中陰虛其微義可類參也

繆氏云經熬煨後氣味不佳胃弱者勿宜

修治 取無病人髮不拘人已新剪舊落或童男胎髮並好

用皂角水洗淨入罐內燒存性用入外科藥煎膏用

人尿

氣味苦寒 治時行大熱狂走解諸熱毒療反胃惟結熱者及痘

瘡黑陷傳癰腫發背瘡漏新者封疔腫一日根爛

人中黃即多年厠坑中麩上所凝結黃泥也 性治約與人尿同解胃家熱毒

又法臘月截淡竹一段去青留上下二節上節發竅納大

甘草於中以木塞上竅插浸下節一頭於糞中經月取出曬

乾待用除瘟疫熱毒宜用此

糞清俗名金汁

取法寒冬月將竹籬閣盆上用椶皮綿紙鋪籬

底上鋪黃土五寸澆糞汁淋土上濾取清汁入新甕內碗覆

口埋土中一年取出清若泉水全無穢氣年久者彌佳比竹

筒滲進法更妙 苦寒能除辛熱解諸毒治時行大熱狂走

痘瘡紫黑乾枯陰虛燥熱尤宜傅一切熱毒癰腫瘡漏

金汁濁陰歸下有降無升入土既久去濁留清身中諸火逆

上仍用身中降火之品治之此亦竹破還將竹補法也土材

附方 熱病狂走如見鬼神久不得汗及不知人事者人中

黃入大罐內用泥固濟煨半日去火毒研末新汲水服三錢

未退再服 大熱狂渴乾陳人屎為末於陰地淨黃土中作

五六寸小坑將末三兩匙置坑中以新汲水調勻良久證清

與飲即解世俗謂之地清 噎膈反胃諸藥不效真阿魏一

錢 野外乾人屎 三錢 為末五更以薑片蘸食能起死人 蟲

毒百毒及諸熱毒時氣熱病口鼻出血用人屎尖 七枚 燒灰

水調頓服溫覆取汗即愈神驗 諸毒猝惡熱悶欲死者新

糞汁水和服或乾者燒末漬汁飲名破棺湯 凡熱毒傷人

臟腑即解以臟腑所轉化之苦寒較他藥自更親切而善於

脫化也

人尿 名還元湯 輪迴酒

取十二歲以下童子者膀胱無龍火也先禁食五辛熱物多與米飲

以助水道法當熱飲於中尚存真氣其行自速冷則惟存

鹹味寒性矣

氣味鹹寒滋陰降火肺腎有火者所必須治勞熱骨蒸欬嗽鼻洪吐

衄療熱狂及中暍產後敗血攻心血暈悶絕並撲損瘀血

人喉有竅則欬血殺人喉不停物毫髮必欬血既滲入愈滲

愈欬愈欬愈滲惟飲溲溺則百不一死若服寒涼則百不一

生褚澄諸虛吐衄咯血惟用童便每一盞入薑汁或韭汁少

許徐徐服之日進二三服自效寒天則重湯溫服不徒降火

且消瘀血凡產後溫飲一盃可免血暈至三日後止之

同澤蘭荆芥白芷續斷延胡牛膝蘇木黑豆治產後血暈虛者加人參 同枇杷葉天冬麥冬蘇子桑皮沙參五味生地欵冬百部治陰虛咳嗽聲啞喉間血腥氣 同蘇木番降香續斷牛膝丹皮蒲黃治內傷吐血或瘀血停留作痛 久嗽涕唾肺痿時時寒熱頰赤氣急用童便去頭尾少許五合取大粉甘草一寸四破浸之露一宿去甘草平旦頓服或同甘草末一錢服亦可一日一劑 折傷跌撲童便入少酒飲之推陳致新其功甚大凡一切傷損不問壯弱及有無瘀血俱宜服此若脇脹作痛或發熱煩燥口渴惟服此一甌勝似他藥萬無一失軍中屢試有驗 赤目腫痛自已小便乘熱沐

洗卽閉目少頃此以真氣退去邪熱也

論 人溺滋陰降火世多未悉其所以然夫欲究人身之水
化當先明於氣化次明於血化而氣化血化之元機總不外
升降勿失其職清濁無或相干耳所謂水化者坎水氣也兌
澤形也一陽陷於二陰爲坎坎以水氣潛行地中爲萬物受
命之根本一陰徹於二陽爲兌兌以有形之水普施於萬物
之上爲資生之利澤是水化之說也氣化者三焦爲元氣之
使乃水中之火根於腎際於肺升降於脾故下焦治在腎中
焦治在脾上焦治在肺合之經云少陽屬腎腎上連肺又云
二陰至肺其氣歸膀胱外連脾胃則可以思氣化之所至更

合於經云三焦者中瀆之府也水道出焉則可以思水化氣
化之無二矣血化者血生於心化於胃統於脾藏於肝歸於
血海此可以思血化之所至更合於經云肺之濁氣下注於
經內積於海更可以思氣化所至卽血化之所至矣再所云
升降不失其職清濁無或相干者蓋清濁卽陰陽之別名如
氣根於腎腎至陰也而陽生焉陽主升者也不升則清陷於
濁中並陰不得化矣血生於心心太陽也而陰化焉陰主降
者也不降則濁亂於清中並陽不得布矣人身止是水火合
化以爲氣血而心腎卽水火之匡廓水火之互根互宅乃先
天合一之神機第人生以後全賴後天以完先天所謂脾胃

司升降之樞者正爲其藉此以合於先天神機耳試以人氣之清濁言之經曰受穀者濁受氣者清清者注陰濁者注陽

此陰陽以臟腑言又曰濁而清者上出於咽清而濁者則下行清濁

相干是謂亂氣又曰氣之大別清者上注於肺濁者下走於

胃胃之清氣上出於口肺之濁氣下注於經內積於海此言

清濁原非判然爲兩惟是濁中元有清而即於濁中升其清

者俾上行以達天清中元有濁而即於清中降其濁者俾下

行以至地此後天氣血不離胃肺爲之爐谷也陰中之陽升而陰隨之由

水化而氣化由氣化而血化此手少陽三焦爲主即俾陽中之陰降而陽隨之由血化而氣化由氣化而水化此手太陽爲主惟胃肺乃升清降濁之地即裕有滋陰降火之神蓋陽

升而陰隨者是謂滋陰。陰降而陽歸者是謂降火。其大爐冶
已具於此。卽下而便溺之出舉不越此矣。腎脈至於肺而
少陽屬腎。是少陽亦至於肺也。第陽必藉脾胃水穀之陰以
至肺。而脾胃亦藉少陽之氣以上達其陰於肺。然後能通天
氣通天者生之本。故陽化而陰生焉。是經所謂雲霧精而後
上應白露下也。經曰傷肺者脾氣不守。胃氣不清。經氣不爲
使。是卽雲霧不精而上應白露不下也。蓋三焦元氣因脾胃
受穀氣以泌糟粕。蒸津液而清氣上注於肺者。此地氣上爲
雲也。肺中之清氣因脾胃穀氣所注。還下其濁於胃。以致津
液變化爲血。營衛通而糟粕以次傳下者。此天氣下爲雨也。

然升降必由中土始之終之皆不離於陰也統繹斯義則可
明於坎水爲始兌水爲終而三焦爲水穀道路氣之所終始
矣抑便溺皆從氣化經云胃大腸小腸三焦膀胱此五者

天氣之所生也

其氣象天故瀉而不藏

此受五臟濁氣故瀉而不藏與

經所云諸陽皆濁之義合何以又云手太陽獨受陽之濁乎

曰心與小腸爲表裏心爲火主氣固火之靈也第心實主血
而小腸爲心氣化之府必其血化行而後氣化乃達於極下
血化行者津液和調變化而赤爲血也氣化下達者
穀氣津液已行營衛大通乃化糟粕以次傳下也 若是則

手太陽獨領氣化而卽神於血化舉下而大腸膀胱無不承
其氣中之血化以傳道焉經故謂其獨受陽之濁也夫小腸

經脈上會諸陽於督下會諸陽於任則豈非上而承陽以司

心之氣化下而接陰以通腎之血化者乎內經謂手少陽之

正指天由陰而升陽手太陽之正指地由陽而降陰陽升而陰固隨之

陰降而陽亦歸之是氣化血化水化斯二經可思也然則小

腸豈可止以受盛盡之又豈止膀胱為津液之藏氣化則能

出乎哉便溺之下固為糟粕然其歸於大腸膀胱者足以

徵陰之下降而陰之下降即以徵陽之下歸於元也經故曰

視病必求其下又云出入廢則神機化滅升降息則氣立孤

危然則人身便溺其可忽乎哉氣血與便溺之相分在上

中二焦本於陰而化於陽至便溺之相分則在中下二焦化

於陽而分於陰故任之水分穴分別清濁以出焉

繆氏云其性稍寒不利於脾胃虛寒澹瀉及陽虛無火食不消者

溺白塗

卽人中白便溺澄結所成又藉塵埃沒溺所集也物入陰中色剝爲白陰中之陰矣入手太陰肺足太陰脾因精與氣原從脾肺氣化之中遊溢轉輸是以仍歸脾肺也

氣味鹹平而涼 治鼻衄傳尸熱勞肺痿心膈熱羸瘦渴疾

及膚出汗血並口齒生瘡走馬牙疳 能瀉肝火三焦火並

膀胱火從小便中出行其道 同鰻魚食之爲烏龍丹 大衄

久衄及諸竅出血並用人中白一團如雞子大綿五兩燒研

每服二錢溫水服 鼻衄五七日不住及膚出汗血者並用

人中白新瓦煨乾入麝香少許溫酒調服立效 痘瘡倒陷

臘月收人中白火煨為末溫水服三錢陷者自出 走馬牙

疳取下溺盆內白屑入瓷瓶鹽泥固濟煨紅研末入麝香少

許貼之又用婦人尿桶中白垢火煨一錢銅綠三分麝香一

分和勻貼之尤神 鼻中瘰肉人中白瓦焙每溫湯服一錢

口舌生瘡溺桶塗七分枯礬三分研勻有涎拭去數次即

愈

論 人溺主治之義已悉於前矣溺之與白塗原是一物但

溺則經達下而不留。白涎性稍留於肺所生病。可徐而致其
 功。故用之微有異。經曰：飲入於胃，遊溢精氣，上輸於脾，脾氣
 散精，上歸於肺，通調水道，下輸膀胱。是飲之精氣由胃而脾
 由脾而肺，以達其清陽於上。即經所謂少陽屬腎，腎上連肺之義。陰
 中之陽致於上，則陽中之陰達於下，故能化血歸經。經所謂
 肺之濁氣下注於經也。之義血化歸經，是謂營氣，是乃謂之通調
 水道也。後天之水皆根氣化，氣固肺所主而氣化之能通調
 水道者，以其清陽之能化而濁陰之化乃行。則凡濁陰不化
 如血證當首及而更於治肺為切當也。諸所治也。魚鱗皆就
 清陽之能化以化濁陰耳。即痘瘡倒陷，非清陽之不化以

致病於濁陰者。○若止以鹹能入血而散爲言。則亦不究其本矣。

修治 歲久溺器有厚寸餘者。取置瓷盤內。露高潔處。越一二載。中外皆白。絕無臭氣。乃可用。研極細。水飛數過。再研萬匝。如仍有惡臭。隨泡隨飛。約數百遍。以無臭爲度。煨淬者。精粹盡失。轉增火毒。不堪用。

秋石

製煉法。秋月用人尿二三石。入鍋內。桑火緩煎。勿使鍋岸生。近有則竹刀掠下。或沸泛。以竹枝頻攪。定俟乾。去薪。緩火焙燥。分置陽城罐上空二寸許。磁蓋蓋封固。罐口養火一

周其藥漸升輕盈如雪或成五色或象物形此屬上乘宜密貯銀瓶藏陰靜處不則風化成水復須升養仍結如霜但少

堅實耳

之顛

又製既濟元黍法選端潔童男女各認溺器各

陸續取溺煎煉成滓各升取上乘秋石各取溺器白塗曬焙令乾先置女涎於銀釜之底次置男秋石於女涎之上次置女秋石於男秋石之上次置男涎於女秋石之上安置定上餘二寸六一泥封固三方火溫養七日則粒粒丹紅交結釜頂此更屬無上乘藏貯亦如秋石法

氣味鹹溫 滋腎水養丹田返本還元歸根復命安五臟潤

二焦消痰欬退骨蒸軟堅塊明目清心延年益壽

論 難經曰三焦者水穀之道路氣之所終始也然內經謂
 三焦為水府而腎屬水膀胱行水與腎合故又曰三焦者足
 少陰太陽之所將然則小水之出也固根於氣化然實為氣
 之所終由陽而歸陰以出也原其所始固亦本於至陰氣者水所
 生第氣之所終由陽歸於陰者較氣之所始由陰達於陽者
 為何如哉是以人溺雖降火有功還以較於秋石從水之降
 而轉為火之升之頤謂緣潤下水藉火大既濟而允升自秋石尤有滋益矣試
 觀養火一周則其藥漸生輕盈如雪視洩溺竟何如乎 此
 藥要常近火或時復養火三五日則功效更大

入乳

味甘鹹氣平涼無定性

其人和平飲食冲淡其乳必平其人暴躁飲酒食辛或有火病其乳必熱

榮五臟明眼目安養神魂滑利關節治瘦悴澤皮膚並筋

攣骨痿腸胃秘澇

又能益心氣補腦髓止消渴治風火證

養老尤宜

又治痰火上升虛損之證及中風不語左癱右

緩手足疼痛動履不便飲食少進諸證

攝生衆妙

地黃當歸草

木之流得天地偏氣用治血病力固有餘用補血衰力猶未

及不如頻服人乳匪但補血且病因血成者亦由調養滋達

而自愈

入四物湯共補精血入四君子同益元陽

月經

不通日飲人乳三合

猝不得語人乳半合美酒半升和服

失音不語人乳竹瀝

各二合

温服

虛損勞瘵用無病婦

人乳三酒盃將磁碟曬極熱置乳於中次入麝香末少許木
香末二分調勻服後飲濃茶一酒盃卽陽敗次日服接命丹
方用乳三酒盃如前曬碟盛乳并人胞末一具調服服畢面
膝俱赤如醉思睡只以白粥少少養之 眼熱赤腫人乳半
合古銅錢十文銅器中磨令變色稀稠煎成瓶收日點數次
或以乳浸黃連蒸熱洗之

論 乳汁由血所化故滋血者還以乳夫婦人之乳資以衝
脈因衝與胃經通故也衝爲血海而胃爲血液化生之府安
得不責其本乎凡男子以氣爲主究氣之所生所生者腎也
女子以血爲主則當究血之所生所生者心也血赤火也女

子之乳白男子之精亦白皆從金也女子氣盛合於心包絡

血卽就血所生處而化乳男子氣盛合於衝脈之血卽就氣

所生處而化精

乳與精俱從血化而血化俱由於氣但分上下者分於血與氣所生之處也化不離生生

亦不離化上之血生爲氣化下之精生爲血化耳

但男女之化乳化精者皆不離於

脾胃以其爲升降鼓煽運化精微之地也然則乳汁固不徒

少陰血主之所化實由肺胃氣化之所成矣第血化之乳化

原固在氣一離乳房則徒存陰質而氣化已散故取以療病

者必審病之所宜如血虛有熱燥渴枯涸乃其的對卽用以

培養者亦必審體之所宜如質瘦無痰臟陽胃強乃見資益

不則槩投止以取累耳至方書謂宜於虛火及中風證夫虛

火類有燥痰而風證之屬陰虛者亦不能攝痰歸元卽此宜投之證猶當爲乳汁地以佐使爲功可也

屬陰性冷若臟寒滑泄及胃弱脾虛者並不宜服

仲淳

修治 凡服須熱飲欲使流行經絡加醇酒調若曬曝爲粉入藥尤佳 曬乳粉法遇有乳汁卽下銀鍋煎成膏用大磁盤盛日下曬之必以水浸盤下不則久曬不乾此乃未濟之妙也

紅鉛

此童女首經內含至藥如不可得卽未經殘破女子者亦堪服食 采服家擇貌好端潔處子生辰在仲秋者

稟太陰金水之一炁

俟其蒸變已足黃道已歸采取合宜服之能接延壽命卽女子未經殘破或生辰在四季餘月者如法取服亦堪却病氣味鹹平 主治男婦氣血衰弱痰火上升虛損左癱右瘓中風不語肢體疼痛飲食少進女子經閉等證服之神效與河車人乳皆以人補人之品然須緩心和氣人可用

論 素問謂月經爲天癸指最初之精氣也女子二七天癸至任脈通太衝脈盛月事以時下夫天謂太一之天真太一之氣升而爲壬降而爲癸

此卽天一生水之義
第壬陽而癸陰耳

女子坤道屬

陰故以天真之元氣專屬癸也人身陰陽與天地合月盈則虧常以三旬爲期女子屬陰故象之 男女真陰俱稱天癸

第女子任脈通大衝脈盛月事以時下夫男女之脈在衝任無二也何以女子月事獨屬衝任而言哉蓋衝任皆起於胞中若女子胞固所謂藏而不瀉者胞居兩腎之間出納腎臟之精血以行坤土之化坤土不自司其職司其職者乃衝任二脈所以二脈於女子生化之元更爲關切就二脈中任爲陰脈之海而衝屬陰中之陽又爲任行其化者夫先天乾坤之位後天以坎離代居之乾主闔坤主闢而闔闢實互爲根以致其用此離中有坎坎中有離之義也坎水屬坤之用故曰水土合德離火屬乾之用故曰火金合德坎離而致乾坤之用不惟水火互藏卽闔闢亦已互運也有如男子屬陽而

陽中之陰以陽為主還歸於陰之靜者以厚其氣是由闔有闔之義

故二八腎氣盛天癸至其能化血為精者正由氣之盛也女

子屬陰而陰中之陽以陰為主不能化血但即乘於陽之動

者以運其血是由闔有闔之義故二七天癸至月事以時下又能化

血為乳者以切近於肺胃之陽也即此參之則月事之下正

至陰根於至陽而其盈虧之數有與天之太陰符合而不爽

者內經又云女子月事不來者胞脈閉也由於心氣不得下

更云胞脈者屬心而絡於胞中又云前有廣明後有大衝凡

此皆陰根於陽之的證至於腎夾任脈從陽交貫肝經藏血

之室統會胃經生血之源乃男女之所同然又不必言矣

一法用紅鉛三兩先以陽起石四兩研細置銀釜之底次置

紅鉛於陽起之上封固溫養七日後丹生其中色如桃花僅得百釐每用一釐重綿裹護子寅二時納左鼻孔行數百息

卽隨息入腦盡此百釐爲返老還童長生不死之至寶欲識神異

以死人脛骨鑿一小孔置數釐於孔內仍埋土中過宿起視枯骨如生或置分許於瓷盤內覆瓷盃於丹上水和麥麩封固其口四圍緩火炙之至麥麩焦黑俟冷開視其丹盡滲盃內擊碎其砭都成丹色仍以盃砭研細入蜜溫養丹復提出毫末天真接命丹用無病室女月經首行者爲最二次者爲中四五次爲下如

急用但未先打鉛具如黃衣月牙冠俟經信動卽以此具騎點者俱可

置胯下用絹幅兜住接取入磁器中再取俟經將衰已過大半而止澄底如硃砂子乃眞母氣其面上黃色浮者挹去却

用白雲苓極細淨末熟水浮去木屑取沉底曬乾搗入紅鉛
中如和麴然多寡軟硬以意消息打作薄薄餅子陰乾待用
不可犯鐵既乾研末以麻黃洗淨濃煎濾汁和丸如綠豆大
以真辰砂飛過爲衣銀罐盛之黃蠟封口每服三四十九靜
坐無風處見微汗爲驗藥性流行充溢四肢經絡皮毛之間
如發熱躁渴此元氣虛藥性到也須服乳汁數盞止之服後
三日內蔬食勿食油膩此藥進二三次或越三五年又進二
三次立見氣力煥發精神異常草木千百不如此藥一二緣
采於人身非若金石一切藥物有偏勝之害功力到處自然
外邪不侵內神愈旺養生者宜加珍重

顧惠岩宗伯采服法

至藥歌 先積陰功貯世間後選賢良美少年五千四十莫
遲延緊看印堂光潤鮮至藥初生五彩形霞光萬道繞眉生
唇如血珀目瞳瑩五心煩熱藥將盈緊守真金五七九鼎分
厚薄先天有石榴火棗日輪紅一日一粒週天可首男乳服
最相宜閉目澄心妄念除靜室焚香守齋戒防危慮險要扶
持切忌腥羶戒淫愛時時退火身康泰旁門栽接不爲奇惟
有此方功力大

進藥歌

微哉一點落丹田攢動身中天地旋衝開夾脊過

三關一氣氤氳布腎間汗從頭面淋曾前頭重足蒸達涌泉

趕出真陽足底升衝過元宮至頂門入骨穿皮處處尋思量
往日六淫侵得遇元陽總是春取坎填離第一乘功墮立地
災殃生服時七日暈如醒只宜安睡莫動行三食薄粥淡明
心二七安然始出庭

接藥法 取猪尿泡一個制度極淨用軟鐵線圈起口來如
碾槽樣繫帶二條兜住候至景象現方用追攝法取藥此藥
屬陽奇數上等鼎器九粒中等七粒下等五粒取下藥不可
與孝服女尼貓鼠見之

分藥訣 勿以漆器盛之銀鍍二器可用得時急以真童便
一甌傾入雙手捧起旋轉不定童便與經俱挹出少停其藥

沉定在底不動銀匙取起收貯聽用內水銀四兩薄荷葉洗淨待乾蓋於藥上四季通用水銀塵穢不染

服藥訣 此藥取出異香爲上每至子丑寅三時可進用乳

一酒盃入藥一粒先用乳香嫩口淨後乃捧起吞之閉目靜

坐片時但丹田火熱五心煩躁渾身微汗

病者有大汗

腹中如雷

鳴身上如蟲行弗得驚異乃此藥靈驗也煩渴須服乳數盃五六度以退火煩渴卽解此藥一進人事昏沉身體重墜要人扶持切勿動念勞碌次日依法又進一次

擇乳訣 必擇二十上下初生男乳母其乳雪白如銀香濃

者爲上先預備乳母然後服藥如乳稀黃腥穢此婦有病不

可用

驗藥訣

鼎器有厚薄十四歲乃仙方所謂五千四十開黃

庭是也氣厚者十三歲卽至氣薄者十五六始至但是先天
不分遲早三十時中計取紅鉛不前不後看歌中景象天機
妙用卽是藥候有何難哉凡人得一度服者可延七七之壽
非人勿授

古法五千四十八日如得年月日符應者乃真正至寶爲
接命之上藥如前後不等只作得首鉛初次金鉛二次紅
鉛三次以後皆屬後天紅鉛
只宜配合藥用不宜單服食

製首經至寶法

將取的五千四十八日真正初經或器或

帛以一盃新鮮童便洗下對清水十盃磬一錢攪百十轉澄

定漏去水再換清水十盃仍打澄清漏去水淨加首生男嬌
乳一鍾同入金器內紙糊三四遭放日中曬三日或用泥封
口入灰缸內小火養三日取出爲末再用乳熬膏子爲丸一
個鼎器分作九丸或十五丸辰砂爲衣擇甲子庚申日清靜
身心於子時更衣焚香服三丸以無灰酒或乳送下服後存
神定意坐寄如覺身熱取頭生乳一鍾服下靜坐卽解

製靈鉛法

靈鉛卽所云前後不等年月日不能應時者只作首鉛金鉛紅鉛以爲服食之用也

其法

或器或帛將鉛取下量多少用燒酒一大盃洗下旋轉百遭
置靜處待酒澄清慢慢漏去酒存住紅鉛加酒一盃仍打轉
澄清漏去酒始加清水逐去酒味待水清漏水盡將鉛傾入

大瓷盤內曬乾其鉛胎色不變如牛黃樣用金乳粉配合成

丸丹每日五更酒服五分自覺身輕體健效不可述丹書云

後補血補得丹田温温熱上至頂門泥丸宮下至脚板涌泉穴一身四大俱補通致使精神無露泄誠哉是言也

製金乳粉法 先擇美鼎看嬰童肥白有精神者此是氣血

盛而乳可用亦須頭生年方二八三七纔可取下一盃或半

盃對露水均平攪百遭過夜其乳自分撇去水將乳入磁盤

曬乾研細成粉積得半斤聽用

月經衣 治熱病勞復女勞黃疸霍亂困篤小兒驚癇 附

方 勞復丈夫熱病後交接病發卵忽縮入腸痛欲死燒女

人月經赤衣為末熟水服方寸匕即定 女疸氣短聲沉用

女人月經和血衣燒灰酒服方寸匕

霍亂百方不效者用

童女月經衣和血燒灰酒服方寸匕

驚癇發熱取片候血

和青黛水調服一錢入口即瘥量兒加減

人胞

一名河車其色有紅有綠有紫紫者良

置酒內覆者男胎

也首胎重十五兩以上

氣味甘鹹温

主治男女一切虛損勞極

其形質得男女坎離之氣而成故陰

陽兩虛者服之有反本還元之功

癩癇失志恍惚安心養血益氣補精

凡

虛勞羸瘦形臙化薄者宜以人身之本元補助人身之血氣

投之女子更育胎孕凡無子或多生女或難產小產者服之

無不捷效 以側柏葉烏藥葉俱酒灑九蒸九曝同之為丸

大能補益名補腎丸 丹溪 大造丸 吳球 用首生男胎人胞米泔

洗淨淡酒蒸熟搗曬研末敗龜板童便浸三日酥炙黃 二兩

黃檗杜仲 各一兩半 牛膝 一兩二錢 地黃 二兩半 入砂仁 六

錢 白茯苓 二兩 絹袋盛入瓦罐酒煮七次去茯苓砂仁不用

杵地黃為膏聽用天冬麥冬人參 各一兩二錢 夏月加五味

子 七錢 俱忌鐵器為細末地黃膏加酒米糊丸小豆大每服

八九十九空心鹽湯下女人去龜板加當歸 二兩 以乳煮糊

為丸若男子遺精女人漏下並加牡蠣粉 一兩 去人參 世醫

藥補益往往為害蓋邪火只能動慾不能生物龜板黃檗為
河車之佐加以杜仲牛膝通為足少陰經藥古方加陳皮即

名補腎丸也。地黃涼血滋陰，得茯苓砂仁黃蘗，則走少陰白
飛霞，以此爲天一生水丸也。二冬保肺不爲火炎，使肺氣下
行生水。然其性有降無升，得人參則鼓動元氣，有升有降，故
同地黃卽爲固本丸也。又參麥五味名生脈散，皆爲肺藥。此
方配合大抵以金水二臟爲生化
之原，加河車以成大造之功也。

補天大造丸專培元氣

延年益嗣壯陽光溫坎水降離火爲天地交泰若房勞過度
人五心煩熱服之神效。常人四十以後常宜服此接補真元

以躋上壽

紫河車

一具

取首生男胎者如無得壯盛婦人

者亦好先用鮮米泔將河車輕輕擺開換米泔洗五次不動
筋膜只洗淨有草屑輕輕取去將竹器盛於長流水中浸一
刻以取生氣提回小瓦盆盛於木甌內用火緩緩蒸至六
時止極爛如糊取出先傾自然汁在藥末內略和勻後置河

車石曰內木杵搗干下如糊樣通前藥汁末和勻再杵干餘

集衆手爲丸此法全天元真氣世所少知若用火焙酒煮去

筋膜大誤入龜板尤誤此語必有所見不用便爲穩妥外用厚川黃檗去粗

皮酒炒一兩川杜仲去粗皮酥炙斷絲一兩五錢川牛膝去

蘆酒浸一兩五錢當歸身酒洗一兩懷熟地酒蒸九次二兩

天冬去皮心一兩半懷生地酒浸一兩半枸杞一兩麥冬一

兩五錢已上四味另用酒煮爛搗膏陳皮去白七錢半白朮

炒一兩五味子七錢小茴香炒七錢乾薑炮黑二錢側柏葉

取嫩枝隔紙炒乾一兩骨熱加丹皮地骨皮皆去以知母酒

炒各一兩血虛加當歸地黃倍用氣虛加人參黃芪蜜炙各

一兩 婦人去黃檗加川芎香附條芩俱酒炒 各一兩 上藥精

製稱淨末不犯鐵器用前蒸河車搗爛并汁和為丸若河車

肥大量加藥末不必用蜜丸如梧子大每服百丸空心米湯

下有病一日二服 此比古方更效若稟氣虛 種子三益膏

治斲喪真元中年無子婦人血虛不孕製一料夫婦齊服用

盡即孕 如婦人經准氣血壯而無病者不宜服 大肉菘蓉 酒洗去浮甲 何首烏

用竹刀切黑豆上九蒸九曬 懷生地 切片酒拌九蒸九曬 山

萸肉枸杞子沙苑蒺藜 真者炒香 兔絲子 酒浸一宿搗成餅

曬乾炒 杜仲 去皮鹽酒炒斷絲 麥冬 各四兩 柏子仁白茯苓

人乳拌曬 補骨脂 鹽水炒 川牛膝 與何首烏同蒸各二兩 以

上藥取淨末用鮮紫河車一具頭胎者佳白酒洗淨隔瓶煮

爛搗和前末加龜膠鹿角膠各八兩以酒化開同前藥和勻

如乾加蜜為丸如梧子大每服三錢好酒下氣虛加人參二

兩忌葱蒜蘿蔔煎燻等物合時宜二三月淨室精修弗

令婦人雞犬見之 心血不足用胞衣焙乾為末飯為丸如

小豆大辰砂為衣每用二錢清米湯下經云胞脈者屬心而絡於胞中則以此味

補心血誠為中肯夫胞為男子藏精女子畜血之地又屬命門之真氣所攝人生命門既成即生心心與命門一氣即可

知其又補心氣矣

論 經云命門者男子藏精女子繫胞即此胞也其元始自

心下系貫七節之旁其系則屈曲下行接兩腎之系兩腎之系接心

下系以繫胞故經曰胞之絡繫於腎又曰胞脈者屬心而絡於胞中下尾閭附臄腸之右通三

陰之間前與膀胱下口洩溺處並行而出乃精氣所泄之道路若女子則子戶胞門亦自臄腸之右胞外與膀胱下口相並此受胎處也又脈經以右腎爲命門其府則胞門子戶介賓曰子戶胞門男女之通稱也特男子以藏精女子以蓄血男女交會之際男子施由此出女子攝由此入故卽在此中結胎胎元旣足亦復由此而出爾夫腎中之元陽卽爲命門原與臄對而胞宮子戶乃在臄腸之前膀胱之後者固經所謂相火之下水氣承之也

水是三才之祖
精爲元氣之根

人身一點元靈聚

於臄下自爲呼吸呼則接乎天根吸則接乎地根此卽命門

真氣自有命門真氣便且上際下蟠况於最初之合同而化者乎又按天一生水配丁之陰火而生內爲命門然後生心是則心與命門一氣也經旣云胞脈屬心又安能外於命門乎然則女子結胎在胞宮而實受氣於命門方胎孕時兒之臍繫於胞胞繫母脊實爲督之命門以氣食兒呼吸胎息轉輸任督真元氣之所鍾也其色紅黑相間紅屬火爲陽黑屬水爲陰陰陽兩氣並具而不雜可知是物雖成後天之形實稟先天之氣但兒在母腹則形充於氣兒離母腹則氣盡於形之頤故謂先天之郭廓主培後天形臟而丹溪謂氣虛則加氣藥血虛則加血藥誠善於用河車者也

繆氏云此補陰陽兩虛之藥若陰虛精涸水不制火發為熱
嗽吐血骨蒸盜汗等證此屬陽盛陰虛法當壯水以制之不
宜陰陽並補以耗將竭之陰也胃火齒痛亦忌之

修治

最好如補天大造丸製法

惟取極爛如糊

然必得河車時恰

有諸藥合之乃可若欲預製待用宜照前法蒸以熟為度不
必極爛便置銅鏟內重湯煨乾可也此不用酒煮火焙又可
留貯亦妙

胞衣水

此久埋地下化為水者

氣味辛涼

治小兒丹毒諸熱毒

發寒熱不歇狂言妄語頭上無辜髮豎虛痞等證天行熱病

飲之立效 反胃久病飲一鍾當有蟲出

繆氏云埋久得地中陰氣其氣必寒辛寒而走足陽明經故

主如上諸證

坎炁

卽初生臍帶 胎在母腹臍連於胞胎息隨母故臍者人之

命蒂也 以其當心腎之中前直神闕後直命門故謂之臍言齊也 臍蒂乃真氣聚會之所

今世卽以食兒用解胎中一切毒及免驚風痘患亦取裨補

真元耳 附方 預解痘毒兒生十三日以本身剪下臍帶

燒灰乳汁調服或入硃砂少許可解胎毒

本草述鉤元卷三十二終

武進門生伍洵

儀徵後學汪廷儒

全校

本草